





BAIM PNG MADE NA KAMAPIM MOA WOK

2014 Wantok Ridasip Seve long Pes 14 na 15

Oposisen i redi

long femim nupela gavman...

- Namah i tok welkam long ol memba long joinim
- PM rausim Polye long em yet bai sainim \$A1.2 bilien IPIC lon

Stanley Nondol i raitim

Oposisen i tok planti disisen bilong Praim Minista Peter O'Neill i no stret na i tok nupela gavman i ken kamap long flo bilong palamen na sinagaut long Mista O'Neill, memba bilong Kandep Don Polye na memba bilong Hagen William Duma long tok klia long pablik long tru as bilong praim minista i rausim Polye na Duma long ministry biong tupela.

Oposisen lida Belden Namah na pastaim Atoni Jenerel Dokta Allan Marat i tok nupela gavman i ken kamap long flo bilong palamen sapos oposisen i gat namaba.

Dokta Marat i tok O'Neill gavman i yusim namba pawa na senism sensim vot nogat bilip long 18 mun i go long 30 mun. Tasol oposisen i gat namba bai ol i ken fomim gavman.

Mista Namah i tok Praim Minista O'Neill i rausim Don Polye olsem minista bilong Tresari na William Duma long minista bilong Petroleum



Oposisen lida Belden Namah...

long rong taim. Mista Namah i tok oposisen i wari long dispela bikos PNG i redi long kisim namba tu LNG projek we mista Duma i bin mekim gut wok long las 8 pela yia olsem Petroleum minista. Em tok dispela disisen bi-



Olpela Tresari Minista Don Polye...

long O'Neill i no gutpela long ai bilong ol ovasis investa. Mista Namah i tok Don Polye i siaman bilong Wol Benk na IMF na tu menesim ikonomi bilong kantri. Em i tok Mista O'Neill i no kisim gutpela advais na mekim disisen



Praim Minista Peter O'Neill...

we i ken bagarapim ikonomi bilong kantri. Mista O'Neill i tok ol pipel bilong kantri i nambawan, na singaut long Mista O'Neill, Duma na Polye long tok klia long pablik long as tru bilong O'Neill i rausim Polye na

Duma. Praim Minista Peter O'Neill long dispela wik i tok em rausim Don Polye long ministri bilong Tresari long Polye i laik kamap instabiliti long gavman.

Mista Namah i tok oposisen i lukim dispela gem bilong O'Neill long rausim Polye olsem em yet (O'Neill) i laik stap eking minista bilong Tresari na sainim \$1.2 bilien lon long baim bek 10 pesen sea bilong Oil Search long IPIC.

I go moa long pes 2...

- Olpela Minista bilong Tresari Don Polye i toktok - P2
- NCDC opim rumgat bilong buai tambu - p3
- Meri Japan holim wol rekot lapun meri - p13

Painim CASH MONI bilong yu insait long Botol Oil

"Painim CASH MONI insait long ol GLOBE na SITA Kukkin Oil Botol"

Na kamap Wanpela LAKI WINA NAU!




Sapos yu painim displa ol CASH Moni:

K1000	K500	K100
K50	K10	SITA 250ml Botol

"Insait long lid" bihain yu rausim sil. Ge kisim CASH MONI bilong yu long Globe dealer or kolim Globe Hotline 422 3066

GLOBE

Promosion bai pwa long 31st December 2013

Tempa bilong long PNG

“Mi no mekim wanpela asua” Polye

T.H.E Pati i sapotim PM

Stanley Nondol i raitim

Olpela Minista bilong Tresari Don Polye i tok em i no mekim wanpela asua long wok bilong em olsem Tresari minista, Pati lida na lida insait long O'Neill gavman.

Mista Polye i mekim dispela toktok long bosman bilong em, na Paraim Minista Peter O'Neill i pinisim em long wok bilong em olsem Tresari minista long Mande.

Minista Polye wantaim ol memba bilong T.H.E Pati i bin miting na tok klia olsem T.H.E Pati i stap wantaim kolisen gavman bilong Mista O'Neill.

T.H.E Pati memba, Mark Maipakai, memba bilong Mendi, De Kevanu, Porgera

Laiagap, Nixon Man-gape, na ol fainensel memba i sanap baksait long soim sapot bilong ol long lida Don Polye wanpela de bihain long O'Neill i rausim Polye long wok minista.

Pati lida Don Polye i tok ol pati memba long miting i wanbel long ol bai wok wantaim Praim Minista long ranim kantri na givim gutpela sevis long 7.8 milien pipel bilong kantri.

Mista O'Neill i rausim tupela minista long T.H.E Pati, Don Polye long Tresari minista na Mark Maipakai long Leba Minista.

Taim ol i kamapim gavman long Alotau long namba 9 palamen, i gat ol agrimen o akod i stap long banisim ol kolisen pati tasol disisen bilong Praim Minista O'Neill i

brukim dispela agrimen.

Don Polye em lida bilong Enga na Hailens na i tok i gat agrimen i stap tasol laik bilong praim minista long senisim ol minista i winim dispela agrimen.

Mista Polye i tok pati bilong em bin mekim bikipela hatwok tru long helpim PNC Pati bilong O'Neill long plen na wok olsem lida bilong PNG na i no bilong wanpela liklik ples o lain na i no mekim asua na i gat rekot i stap long wok em i mekim.

Mista Polye em i lida bilong T.H.E Pati na em namba tu bikipela pati wantaim 14 memba long kolisen gavman bilong Peter O'Neill.

Praim Minista Peter

O'Neill i rausim Mista Polye na i tok em i rausim long gutpela bilong kantri bikos Don Polye kamapim instabeliti long gavman.

Mista O'Neill i tok em i mekim dispela disisen long gutpela bilong kantri.

Minista Polye i tok em i stap siamen bilong Wol Benk IMF na bai em i lukluk long dispela wok na givim moa taim long ol pipel bilong em long Kandep husat i makim em i kam long palamen 3-pela taim.

Mista Polye i tok wok bilong kantri em bikipela samting na tokaut long sanap bilong pati na em yet olsem em bai wok klostu wantaim Praim Minista, Deputi Praim Minista na ol arapela lida insait long gavman long gutpela bilong



NDB OPIM SMS BENKING! (L-R) Elektronik Benking Menesa, Nathan Dingu, Ekting Menesing Dairekta, Moses Liu, na Eksekjutiv Menesa Lending, Trevor Cain. *Poto Isaac Liri*

NDB lonsim SMS Benking

Isaac Liri i raitim

NESENEL Developmen Benk (NDB) i opim SMS Benking long dispela wik long Pot Mosbi.

NDB i kamapim dispela sevis long helpim ol kastoma bilong en.

Planti kastoma bilong NDB i stap long ol rurel eria, na NDB i laik mekim isi long ol na kamapim dispela nupela sevis.

NBD i gat strongpela bilip olsem dispela sevis bai i helpim ol.

Dispela tok i kam long Ekting Menesing Dairekta Moses Liu.

Wantaim dispela nupela sevis, ol kastoma bilong NDB bai inap long lukim

balens bilong dinau akaun, na tu, ol arapela tok save bilong peimen.

“Ol kastoma bai kisim ol fri tok save long ol nupela prodak tu,” Elektronik Benking Menesa Nathan Dingu i tok.

Mista Dingu i tok SMS Benking em i wanpela sevis we planti manmeri long wol i wok long yusim long wanem em i save mekim laip bilong ol isi, na ol i no save hatwok long go kam nabaut.

NBD i tok tu olsem bihain long dispela SMS Benking ol bai kamapim ol arapela elektronik benking sevis tu.

Antap long dispela, NDB bai i opim foapela nupela brens bilong ol insait long kantri. Ol dispela ples em Kiunga, Vanimo, Kerema na Lorengau.



T.H.E Pati lida, Don Polye na deputi lida bilong NGI na deputi Praim Minista Leo Dion i sekan na sanap wantaim memba bilong Chuave, Vera Mori na deputi NGI LIDA, Mark Maipakai long soim sapot bilong pati long gavman bilong Praim Minista Peter O'Neill. Memba bilong Chuave Vera Mori na Ol lida bilong T.H.E Pati wantaim ol memba i tokaut long sapot bilong ol bihain long O'Neill i rausim Don Polye na Mark Maipakai, deputi lida bilong Sauten long wok minista. *Poto: Nicky Bernard*

Oposisen i redi

I kam long pes 1...

I bin gat toktok raun insait long gavman olsem Don Polye i tok nogat long sainim dispela \$A1.2 bilien lon olsem minista bilong Tresari bikos kantri i gat planti dinau na winim mak aninit long lo. Na sapos Polye i sainim bai i asua na brukim lo.

Tupela wik i go pinis O'Neill i rausim William Duma long ministry bilong Petroleum na givim long PNC Pati memba na memba bilong Madang Nixon Duban.

tru as i stap na Mista O'Neill, Polye na Duma i mas tok klia long pablik i ken harim bikos ol i menesim tasol gavman na ikonomi bilong ol pipel.

Mista Namah na Dokta Marat bihain long Praim Minista O'Neill i rausim Polye i tok em i laik bilong praim minista long kamapim ol senis long ol minista bilong em tasol kantri i mas save long tok tru.

Mista Namah i tok oposisen i tok welkam tasol long husat memba i laik joinim long pait

agensim korapsen na givim gutpela sevis long ol pipel.

Mista Namah i tok oposisen i amamas long wanem samting i kamap nau, bikos instabiliti na taim gavman i no strong, em i olgeta taim gutpela nius bilong oposisen long arapela kantri long wol.

Mista Namah i tok oposisen i redi long kamapim gutpela gavman bilong ol pipel wantaim ol hones lida long pait strong agensim korapsen na givim gavman i go bek long ol pipel.

Ol Rainbow lain i gat wari ... Askim ol atoriti long stretim

RAINBOW Estet insait long Nesenel Kapitel Distrik long Pot Mosbi i wanpela gutpela ples.

Planti lain i save laik stap long dispela sabeb we i stap klostu long bikipela sabeb tru, Gerehu.

Rainbow i gat bikipela Stop N Shop stua, Sevis Stesen na maket we i save sevim pipel, i no long Rainbow tasol long Gerehu, Yunivesiti of PNG, Nesenel Risets Institut na sampela bilong Waigani tu.

Tupela samting tasol i no stret we pipel i save kisim belpen long ol.

Wanpela em, ol strit i no gat nem. Rainbow i mas wanpela eria tasol insait long Mosbi siti we i no gat ol strit nem. Na i gat planti strit long Rainbow.

Dispela em i wanpela bikipela wari long ol manmeri i stap long Rainbow bikos long sait bilong ol lain i givim sevis olsem PNG Pawa, Eda Ranu na ol arapela moa, ol lain i laik mekim wok mentenens long ol haus, imejensi o eksiden i kamap na ol lain long Sen John's Ambalens, o teksi o ol hauslain i laik kam, ol pren na ol wantok, i no gat strit nem long givim ol na ol bai bihainim na go hariap long haus i laikim helpim o sevis samting.

Olgeta taim ol Rainbow lain i mas wokim longpela toktok long givim

daireksen long husat lain i laik go long ol wan wan haus long Rainbow.

Narapela samting em, tupela bikipela pothol i kamap olsem raun wara i stap longpela taim nau long Rainbow.

Tupela i stap long rot i lusim Rainbow Maket na i go insait long ol ples planti haus na pipel i stap long en.

Bikos i no gat strit nem, em i hat long tok wanem hap stret dispela tupela bikipela pothol raun wara i stap long en.

Long taim bilong ren olsem long nau, rot na ples i gat dispela ol pothol i bagarap, na ol kar na pipel i kisim taim.

Em i tripela yia nau ol dispela tupela pothol wara i stap, tasol no gat atoriti long siti, o memba we ilektoret i kam aninit long en em Mosbi Notwes, i mekim samting long stretim dispela hevi. Planti Rainbow residen i askim nau em i wok bilong husat tru long stretim dispela hap rot na bikipela pothol? Nesenel Kapitel Distrik o Mosbi Notwes memba na Helt Minista, Michael Malabag?

Save na wok i stap nau long ol bikman long wokim samting na stretim tupela wari bilong ol manmeri i stap long Rainbow Estet.



RAUN WARA LONG SITI: Bikipela pothol olsem raun wara i stap long Rainbow i givim hevi long ol manmeri na ol kar.

NCDC opim rum gat bilong buai

Frieda Sila Kana i raitim

BUAI tambu long NCD i kisim moa strong nau wantaim nupela rum gat Nesanel Kepital Distrik Komisen i kirapim long 4-Mail Tarpot.

Dispela rum gat em i stap insait long nupela Buai Tambu Operesen Senta long 4-Mail Tarpot bilong NCDC, tasol em i no bilong holim ol lain i brukim lo bilong buai tambu tasol. Em i bilong olgeta lain mekim ol kain kain trabel long pablik tu.

NCD Gavana, Powes Parkop i tok, dispela rum gat bilong ol lain i mekim ol narapela trabel tu, olsem ol spakman i mekim hambak pasin long pablik ples, o ol lain i brukim sampela lo bilong trefik, ol liklik stilman olsem. Dispela rum gat bai holim ol inap ol i baim sas bilong NCD o nogat bai ol i ken putim sas long ol na salim ol i go long Boroko Polis rum gat.

Deputi Siti Menesa bilong Sosol Dvelopmen, Honk Kiap i tok pastaim NCDC i no gat tit long kaikai tasol nau dispela rum gat na operesen senta i kamap olsem tit bilong kaikai. Ol nau i ken strongim tru dispela doti pasin bilong spetim buai na bagarapim ples long siti.

Pastaim long dispela rum gat i kamap, NCDC i no bin sasim wanpela man na kotim, tasol nau ol i ken mekim bikos i gat ples bilong dispela man o meri i ken stap na baim sas bilong em na senisim pasin.

Long soim wanbel bilong Polis Dipatmen, Ekting Deputi Polis Komisina NCD/Sentral, Jim Andrews wantaim komanda bilong Polis Risev, Andrew Sil i bin stap long taim bilong opim dispela Operesen Senta na Rum Gat long dispela wik.

Deputi Komisina Andrews i tok, em i namba wan taim bilong NCDC long putim tambu long salim buai long siti.

"Em i nesanel kepitai siti olsem na yumi mas sapotim gavana long klinim dispela siti," Mista Andrews i tok.

Em i tok Provinsal Polis Komanda bilong Sentral Provins na NCD Metropolitan Superintenden i wanbel na sapotim dispela program stat long namba wan de i kami nap nau. "Yumi gat wok long skulim gut ol pipel bilong yumi.

Ol pipel i gat pasin nogut bilong sakim tok na brukim lo bilong gavman. Buai i no save bagarapim lukluk bilong siti tasol, nogat. Em i save helpim long kamapim ol kain sik olsem T.B i go bikipela tu," Mista Andrews i tok.

Moa. Gavana Parkop i tok, pastaim NCDC i sanap olsem wanpela wail dok i no gat tit bilong em. "Mipela i gat planti pawa tasol i no gat lo long strongim dispela pawa.

Nau wantaim dispela operesen senta na sel blok NCDC i ken bungim gut ol trabel lain long sem pilai graun long stretim hevi. NCD em i wanpela taun na NCD olsem gavman bilong dispela taun, mipela i gat olgeta rait long putim lo bilong lukautim siti," Mista Parkop i tok.

"Nogut ol pipel i ting olsem mipela i laik stopim buai long redi long 2015 Gems o Apec Miting long 2018. Yes em i tru, tasol namba wan em olsem, ol pipel bilong Papua Niugini i gat rait long stap long klinpela ples na ples we i no gat trabel. Na long gems na Apec miting, yes, mipela i gat wok long lukautim intenesenel komyuniti bilong yumi wantaim gutpela, klinpela na siti we i no gat trabel," em i tok.

Mista Parkop i tok, i gat ol gutpela lain i stap ol i soim rispek long lo, tasol i gat sampela hambak lain i stap yet. Ol pipel i wok long spet yet taim ol i ran long PMV o liklik kar bilong ol.

Operesen Senta i gat 10-pela hap wantaim tupela rum gat ol i mekim long waia. Wanpela bilong ol meri na wanpela bilong ol man. Wanem samting ol i kisim long ol trabel lain olsem buai bek o bia katen bai ol i putim antap long rum gat.



L-R Deputi NCD Gavana na Siaman bilong Motu Koita Kaunsil, Miria Ikupu, NCD Gavana Powes Parkop, na Ekting Deputi Polis Komisina Andrews i sanap long fran bilong NCDC buai rum gat .

Poto: Nicky Bernard



AN ACCOUNT FOR ALL AGES

Choose the bank account that suits your family

- | | |
|---|--|
| <p>01 KIDS SAVINGS ACCOUNT
For children aged 0 - 15 years</p> <ul style="list-style-type: none"> ✓ NO fees ✓ Tiered interest plan ✓ Withdrawal restriction to help you save ✓ No minimum balance required | <p>02 SUMATIN ACCOUNT
For full time students aged 15 - 25 years</p> <ul style="list-style-type: none"> ✓ NO fees ✓ Mobile, Internet and Phone Banking ✓ Optional Visa Debit card ✓ No minimum balance required |
| <p>03 KUNDU STANDARD</p> <ul style="list-style-type: none"> ✓ Best suited for fewer monthly transactions ✓ NO monthly maintenance fee ✓ Pay as you go transaction account ✓ No minimum balance required | <p>04 KUNDU PACKAGE</p> <ul style="list-style-type: none"> ✓ Best suited for multiple transactions ✓ One fixed monthly fee ✓ All BSP electronic transactions are FREE ✓ First 6 branch transactions per month FREE |

For more information
 ☎ 320 12 12 / 7030 12 12 - 24/7
 ✉ service@bsp.com.pg
 🌐 www.bsp.com.pg

Apply in-branch today!



Official Sponsor of the 2015 Pacific Games

Taurama Bareks rot bai pas

Kolopu Waima i raitim

ROT i go long las blok long Taurama Bareks bai i pas bihain long tupela wik.

Nesenel Kapital Distrik (NCD) Gavana Powes Parkop i tok ol lain save slip baksait long Bareks bai yusim narapela rot NCD i wokim stap.

Emi tok Sif Eksekutyutiv Opisa bilong Taurama Bareks i bin givim tu wik long pinisim dispela rot i go olsem long Tune Be, na i kam antap long bung rot na go long las blok.

Gavana Parkop i tokol Ami em wanpela bikpela ejensi bilong gavman na ol man nating i no save go ikam long ples ol i stap long en.

Ol i gat gan na ol narapela samting na impoten samting tu save stap na ol manmeri nating save pret long go.

Sampela hap bilong ol kantri, lo i save stap naol man nating i no save go i kam long ol Ami Bareks.

Mista Parkop i tok tu olsem NCDC bai wokim banis bilong

Bareks long K900, 000.

Em i singaut long ol papa graun long wokim sevei long graunbilong ol bipo long rot i go.

Em i tok dispela ples i nidim gutpela plen na NCDC bai helpim ol long mekim sevei na plen.

Mista Parkop i tok ol narapela sevis olsem wara na pawa bai no inap long kam sapos i nogat gutpela plen na nogat seveina nogat gutpela rot i go long kain ples olsem.

Em iaskim ol papa graun long holim miting na kam lukim ol wokman bilong NCDC long stretim wok hariap.

Gavana Parkop i tok klia olsem dispela seveina plen NCDC bai mekim i no bilong gavman kisim graun. Nogat. "Graun em bilong yupela ol papa graun.Yupela yet bai holim taitel.

Tasol NCDC bai wokim sevei na bai givim lot naalotmen namba, bihain long dispela, rot bai go, na wara na pawa bai kam bihain."Mista Parkop i tok.



Papa graun Joe Gaure i makim maus bilong olgeta Papa graun na tok tenk yu long Gavana Parkop. Sindaun neks em Komanding Opisa Meja Stanley Benny, Powes Parkop, Mosbi Saut MP Justin Tkchenko na Seketeri bilong Helt Michael Pascoe. *Poto i kam long NCDC media.*

Faundesen i givim tok lukaut long sumatin

SIAMAN bilong Ipatas Faundesen Isaac Lupari igivim tok lukaut long olgeta Enga sumatin i stap long ol bikpela skulinsait long kantri.

Mista Lupari i mekim dispela tok lukaut bihain long ol sumatin bilong Yunivesiti bilong Teknoloji long Laei protest na i no go skul.

"Dispela em i no gutpela pasin bilong mipela ol Enga sumatin, sapos yu joinim dispela protes," Mista Lupari i tok.

"Mipela i saptim yupela long mani long pinisim skul, na kisim gutpela save. I no long go long skul na joinim ol kain protes," em i tok.

Mista Lupari i tok ol i mas save olsem namba wan samting em ol go bilong stadi na kisim save. Ol i save olsem ol i gat planti samting long givim bek long

ol papamama na Enga provinsal gavman.

"Ol i mas tokim mipela wanem samting tru ol i laik kisim long dispela protes. No gat wanpela samting. Nogat," Mista Lupari i tok.

"Mi nau tok lukaut long yupela olgeta Enga sumatin i stap long haia institusen, wantaim Yunivesiti ov Papua Niugini (UPNG) olsem, sapos yupela i joinim ol kain protes na lusim klas, yupela bai no inap kisim sapat long Ipatas Faundesen Inc,"em i tok.

Mista Lupari i tok em i nau askim olgeta Enga sumatin stap long yunivesiti long Lae long go bek long klas na maski westim taim long protes.

Em i tok sapos ol i no harim tok, bod bilong Ipatas Faundesen bai rausim helpim ol i save kisim.



NUPELA BOD BILONG POLIS: Polis nau gat ol nupela Promosen Bod memba. Long Tunde Polis Minista Robert Atiyafa i sanim tok oraif pepa bilong ol olsem ol nupela bod memba bilong promosen bilong polis insait long kantri. Long poto Polis Minista Atiyafa i sekhan wantaim nupela bod memba Revren Sommy Setu na ol narapela memba tu i lukluk stap. *Poto Nicky Bernard.*

STILL K87,990
ONLY WHILE STOCKS LAST!
MAZDA MAINTAINS YOUR KINA'S VALUE!
DRIVE AWAY!
2011 PRICES!!!

BT-50 Classic

PNG Motors. PNG People. Sold and serviced across the nation by PNG Motors. Book a test drive today.
 Port Moresby: 325 5788 | Mount Hagen: 542 2100 | Lae: 472 4733 | Kokopo: 982 8514

www.mazdapng.com

Komanda skolasip helpim planti pipel

Kolopu Waima i raitim

GAVANAJeneral (GG) Michael Ogio i tok, Komanda Skolasip bilong ol polis i helpim planti pikinini bilong polis em papa o mama bilong oli dai pinis.

Gren Sif Sir Michael Ogio i bin mekim dispela toktok long bung bilong Royal Papua Niugini Konstabulari Legasi Komanda Skolasip fund las wik Fonde.

Sir Michael i tok polis Legasi i bin stat 26 yia go pinis, long helpim ol meri na pikinini bilong ol polis opisa husat i dai.

Em i tok planti ol pikinini bilong ol polis opisa husat i bin dai pinis i kisim helpim long dispela skolasip.

Sir Michael i bin givim sampela eksampel olsem; pikininiman bilong Saiden Wallace, Patrick Wallace Jnr i bin kisim skolasip long skul long Human Risos (HR) long IBS, foapela pikinini bilong Saiden-Hewa, i kisim helpim long Praimeri na Sekenderi skul long Lae, na i bin sapotim pikinini man bilong Inspekta Warao long go skul long wanpela praimeris skul long Pot Mosbi.

Em i tok i gat planti ol narapela epikesen i stap yet long glasimna taim ol i tok orait long givim sapot, dispela bai pinisim ol wok bilong Komanda Skolasip Fan.

Sir Michael i tok tenk yu long ol narapela i sapotim ol meri na pikinini long givim kaikai, salim pikinini go long skul o baim skul fi bilong ol na helpim ol i go long haus sik.

Emi tok wantaim liklik membasipna sapot, Polis Legasi ilukautimgut mani i go long level we planti invesmen bai kamap klostu taim. Komanda Skolasip Fan i nidim sapot long kamapim moa mani long pinisim driman bilong em.

(Bek L-R) Skolasip Tresera Sgt Peter Turner, Dairekta Graham Ainui, Dairekta Sif Sgt David Guinn, Dairekta Sif Sgt Michael Koisen, (fran L-R) Seketeri/ Dairekta Peter White, Eksekyutiv opisa Sophie Sari, Namba tu Presiden na Polis Komisina Toami Kulunga na CIP Sylvia Reu. *Poto: Gavman Haus.*



Bilip bilong pasin sanguma stap

Kolopu Waima i raitim

TUPELA lapun i klostu lusim laip bilong tupela long saspek olsem tupela kamap sanguma na kilim wanpela skul man.

Jiwaka provinsal polis komanda Joseph Tondop i tok tupela lapun man na meri i mekim gaden klostu long wanpela matmat we ol i bin plenim wanpela medikal dokta.

Mista Tondop i tok ol lain bilong man dai i saspek long dispela tupela lapun bikos tupela i go wokim gaden we ol i bin planim dispela man.

Em i tok ol i go na paitim tupela, bagarapim haus, gaden na katim ol pik long haus lain bilong tupela.

Mista Tondop i tok ol polis bilong Nondguli go hariap tru na stapim.

Em i tok pasin sanguma em i bikpela eria long lukluk.

Mista Tondop i tok ol manmeri mas tingting gut na mekim ol wok o bagarapim ol samting bilong narapela lain.

"Pasin sanguma em i hat tru long painimaut long wanem," Mista Tondopi tok.

Mista Tondop i tokim polis stesin komanda bilong Nondgul long salim polis na lukluk long dispela hevi na mekim wok painimaut.

Em i singautim tupela lain wantaim long helpim polis long mekim wok painimaut.

Kalabusman klinim Tokua rot i kam long Kokopo taun

Michael Novingu i Raitim

Mi bin go long Tokua ples balus long kisim *Wantok Niuspepa* i kam salim long strit bilong Kokopo taun.

Taim mi kisim niuspepa i kam mi lukim ol kalabus man long Kerevat haus kalabus i wok long klinim rot long Tokua i kam long Kokopo taun.

Woda man husat i lukautim ol dispela kalabus man i no laik tokaut long nem bilong em, tasol em i tokim

Wantok Niuspepa olsem dispela wok ol i mekim em ENB Provinsal Edministresen long han bilong komyuniti divelopmen i tok orait long ol kalabus i mekim dispela wok.

Em i tok tu olsem dispela wok ol kalabus man i mekim em i wanpela rihebilitesen wok long helpim ol i stap gut na pinisim taim bilong ol na bai ol i ken go bek long ol komyuniti bilong ol.

Em i tok ol dispela kalabus man em ol low

risk husat i no inap long ranawe na bagarapim ol manmeri taim ol i stap ausait long banis kalabus.

Long wankain taim kalabus man Lawrence Tommy i tokim *Wantok* olsem ol i amamas long mekim kain wok olsem long helpim komyuniti.

Em i tok ol low risk kalabus man i save harim tok bilong ol woda na mekim wok ol i save givim long ol.

Tommy i tok long taim ol i wok ausait, ol i gat sans long long

bungim ol famili bilong na toktok wantaim na bai ol i bel isi na go bek long haus kalabus na wetim taim bilong ol.

Em i tok ol i bin sampela komyuniti wok olsem pinis long sampela hap bilong Is Nu Briten.

Em i tok tenk yu long Is Nu Briten provinsal edministresen na ol woda long wokbung wantaim na givim sans long ol kalabus i kam autasit long publik na ol i amamas long helpim komyuniti.

Stretim save bilong ol kriminal loya

Kolopu Waima i raitim

OL solisita na prosekuta bilong Papua Niugini i skruim save bilong ol long kriminal kes long wanpela woksop long Mosbi.

Opis bilong publik prosekuta na publik solisita i holim dispela woksop. Australia i sapotim dispela.

Loya bilong publik prosekuta na publik solisita long ol narapela rijoni kam long Mosbi long dispela trening. Ol Jas bilong

Kwinslan na ol Barista bilong Kwinslan Ba i kam long Mosbi long skulim ol loya bilong PNG.

Lo bilong Kwinslanna Papua Niugini i wankain na helpim bilong PNG-Australia lo na Jastis pren na Australian Dipatmen ov Atoni Jeneral, bilong PNG na Kwanslan i strong tru.

Publik prosekuta na publik solisita iamamas helpim bilong Australia gavman long dispela woksop. Ekting Minista bilong

Divelopmen Koporesen bilong AustraliaHai Komisin James Hall i tok planti provinsal bes loya i gat sans long kisim dispela helpim wantaim Kwinslan lo komiti na Australia gavman i sapotim long mani.

Publik prosekuta i sapotim long independen prosekusen bilong kriminal kes olsem ol trabel bilong kilim man, korapsen na seksual ofens long kot.

Tripela de woksop i bin pinis long las wik Fraide.

FARM TRACTORS

- Slashers
- Disc Ploughs
- Disc Harrows
- Post Hole Augers
- Trailers

120hp
90hp
70hp
50hp
40hp

AGMARK MACHINERY

POR* MORESBY: 323 2658 | Digicel: 7215 0333 / 7217 9815
LAE: 472 6324 KOKOPO: 982 6748 | email: machinery@agmark.com.pg

Duban bai givim luksave long stretim Mis-Kamba rot

MINISTA bilong Petroleum na Eneji na memba bilong Madang, Nixon Duban i tokaut long wok bilong stretim na putim kolta long Mis-Kamba rot long not Ambenob LLG long Madang distrik.

Dispela rot i save bringim gavman sevis na bisnis long ol pipel long maunten long Madang distrik, tasol rot i bagarap olgeta na i mas gat wok i kamap long stretim gen.

Mista Duban i bin go lukluk raun long distrik na em i tokaut olsem em i givim mani pinis long wok i kamap long stretim rot na putim kolta long Mis-Kamba rot.

Em i tokaut tu olsem bikipela lukluk bilong em long 2014 em long ol rot. Em i tok bai em i givim moa luksave long dispela olsem ol rot long Madang distrik i mas

kamap gut gen na ol pipel i yusim rot long kisim gutpela sevis long helpim sindaun bilong ol long ples.

Mista Duban i no tokaut long hamas mani em bai yusim long stretim rot, tasol em i tokaut olsem wanpela seremoni long makim stat bilong wok bai kamap long neks mun.

Mista Duban i tok narapela rot projek long Not Ambenob LLG em i putim mani long stretim em ring-rot we i bungim Kauris i go long Barahim. Dispela rot i save sevim ol pipel husat i save tokples Wagis, na dispela lain i bin givim moa sapot long Mista Duban long taim bilong bai-ileksen we i lukim em i winim gen sia bilong Madang.

Mista Duban i tok save tu olsem long dispela yia, ol papamama i mas givim

taim long baim skul fi bilong pikinini bilong ol.

Em i tokaut olsem skul fi subsidi bilong opis bilong em i sot pinis na i no inap long helpim olgeta papamama.

Mista Duban tok olsem 2013 em wanpela yia we em i bungim planti salens bikos long kot salens bilong bai-ileksen, na em i no sindaun gut long opis long redim gut ol plen bilong skul fi subsidi.

Mista Duban i tokim ol pipel na ol papamama olsem ol i no ken ting olsem dispela Distrik Sapot Impruvmen Program (DSIP) em long baim skul fi, nogat. Em i tok dispela mani em nesenel gavman i givim long kamapim ol projek wok insait long distrik olsem helt senta, ol rot wok na ol arapela samting na i no bilong baim skul fi.

Turis bilong Japan raun long Rabaul

Michael Novingu i raitim

Samting olsem 1,000 turis bilong Japan i bin pulap na kapsait long Kokopo na Rabaul taun las wik.

Pasindia sip MV Ocean Dream i bin kam sua long Is Nu Briten bihain long em i go raun long Singapore, Not Amerika, Tahiti na ol arapela kantri long Pasifik.

Man i go pas long mekim wok bilong lukautim ol turis long Rabaul, Meli Paivu itok dispela turis sip Ocean Dream i kamap long Rabaul long seven klok moning wantaim 1,000 turis.

Emitok ol dispela turis i bin lukluk raun long ples long lainim na save moa long pasin tumbuna bilong ol pipel bilong provins.

Mista Paivu i tok planti bilong ol igo raun na lukluk long ol hap we bipo ol tumbuna bilong ol i bin kam pait long Namba 2 Wol Woa long 1942.

Ol arapela lain i bin go long Baining long lukim paia danis na sampela igo kisim bot igo long Duk ov Yok ailan na waswas long nambis na lukluk raun long ol ples long hap.

Mista Paivu i tok pastaim long oli go lukluk raun ol i mekim wanpela lotu long Namalula maunten long tingim ol tumbuna bilong ol i dai long bikipela pait



Turis bilong Siapan toktok wantaim niusman bilong Wantok niusepepa long Kokopo maket. Poto Michael Novingu

long Is Nu Briten.

Em i tok dispela em i namba tu taim bilong dispela turis sip Ocean Dream i kam long Is Nu Briten.

Mista Paivu i tok ol turis bilong Japan i save kam long Is Nu Briten bikos long bikipela pait long 1942 we planti tumbuna bilong ol ikam pait na ol samting bilong pait i stap yet we ol i ken lukim .

Em i tok ol ino kam tasol long lukim ol samting ol tumbuna bilong lusim i go, nogat, ol i laik raun na toktok wantaim ol manmeri bilong dispela provins, na tu ol i laik lainim ol pasin tum-

buna bilong yumi.

Em i tok dispela kain pasin bai strongim poro pasin namel long tupela kantri wantaim.

Turis sip Ocean Dream i bin go long Is Nu Briten bihain tasol long maunten paia long 1994 we ol pipel bilong Japan i helpim ol pipel husat i bin stap long ol kea senta.

Wantok i bungim bosmeri i lukautim ol dispela turis. Na em i tokim Wantok olsem ol turis bilong Japan i kam lukluk raun long Is Nu Briten long lainim tumbuna pasin na serim tumbuna pasin bilong ol tu wantaim ol pipel.



Dia Gest, Welkam long Granville Motel hia long Port Moresby, kapital bilong PNG! Sapos yu laik kam stap liklik long Pot Mosbi, noken abrusim mipela. Mipela gat olgeta samting yu laik sapos yu stap wantaim mipela...

Mipela Gat:

- Ples bilong Kaikai
- Bia Gaden Bar
- Ol Konfrens Rum (inap long 500 gest) Boroko Rum - 400/500 gest

- Bed Rum - 30 gest Sepik Rum - 30 gest
- Ples bilong pilai Pokie (Zanzi Bar)
- Ples bilong Silip
- Ea koncisen, Kebol TV- 52 sandol

- Lcndri, Ples bilong Waswas, Room Sevis na 24 zua sekuriti
- Standed rum, Eksekutiv rum na Self Kontain rum.
- Eapot pikap/drop-op em FREE!!

Ringim mipela long:
Ph: (675) 325 7155
Fax: (675) 325 7672
 Email: gvmpom@gmail.com
 Mobile: 737 05013
 Wireless Phone: 775 27670



NOKEN LUS TINGTING, GRANVILLE MOTEL EM PLES BILONG STAP!!!

Komanda skolasip helpim planti pipel

Kolopu Waima i raitim

GAVANAJeneral (GG) Michael Ogio i tok, Komanda Skolasip bilong ol polis i helpim planti pikinini bilong polis em papa o mama bilong oli dai pinis.

Gren Sif Sir Michael Ogio i bin mekim dispela toktok long bung bilong Royal Papua Niugini Konstabulari Legasi Komanda Skolasip fund las wik Fonde.

Sir Michael i tok polis Legasi i bin stat 26 yia go pinis, long helpim ol meri na pikinini bilong ol polis opisa husat i dai.

Em i tok planti ol pikinini bilong ol polis opisa husat i bin dai pinis i kisim helpim long dispela skolasip.

Sir Michael i bin givim sampela eksampel olsem; pikininiman bilong Saiden Wallace, Patrick Wallace Jnr i bin kisim skolasip long skul long Human Risos (HR) long IBS, foapela pikinini bilong Saiden-Hewa, i kisim helpim long Praimeri na Sekenderi skul long Lae, na i bin sapotim pikinini man bilong Inspekta Warao long go skul long wanpela praimeris skul long Pot Mosbi.

Em i tok i gat planti ol narapela epikesen i stap yet long glasimna taim ol i tok orait long givim sapot, dispela bai pinisim ol wok bilong Komanda Skolasip Fan.

Sir Michael i tok tenk yu long ol narapela i sapotim ol meri na pikinini long givim kaikai, salim pikinini go long skul o baim skul fi bilong ol na helpim ol i go long haus sik.

Emi tok wantaim liklik membasipna sapot, Polis Legasi ilukautimgut mani i go long level we planti invesmen bai kamap klostu taim. Komanda Skolasip Fan i nidim sapot long kamapim moa mani long pinisim driman bilong em.

(Bek L-R) Skolasip Tresera Sgt Peter Turner, Dairekta Graham Ainui, Dairekta Sif Sgt David Guinn, Dairekta Sif Sgt Michael Koisen, (fran L-R) Seketeri/ Dairekta Peter White, Eksekyutiv opisa Sophie Sari, Namba tu Presiden na Polis Komisina Toami Kulunga na CIP Sylvia Reu. *Poto: Gavman Haus.*



Bilip bilong pasin sanguma stap

Kolopu Waima i raitim

TUPELA lapun i klostu lusim laip bilong tupela long saspek olsem tupela kamap sanguma na kilim wanpela skul man.

Jiwaka provinsal polis komanda Joseph Tondop i tok tupela lapun man na meri i mekim gaden klostu long wanpela matmat we ol i bin plenim wanpela medikal dokta.

Mista Tondop i tok ol lain bilong man dai i saspek long dispela tupela lapun bikos tupela i go wokim gaden we ol i bin planim dispela man.

Em i tok ol i go na paitim tupela, bagarapim haus, gaden na katim ol pik long haus lain bilong tupela.

Mista Tondop i tok ol polis bilong Nondguli go hariap tru na stapim.

Em i tok pasin sanguma em i bikpela eria long lukluk.

Mista Tondop i tok ol manmeri mas tingting gut na mekim ol wok o bagarapim ol samting bilong narapela lain.

"Pasin sanguma em i hat tru long painimaut long wanem," Mista Tondopi tok.

Mista Tondop i tokim polis stesin komanda bilong Nondgul long salim polis na lukluk long dispela hevi na mekim wok painimaut.

Em i singautim tupela lain wantaim long helpim polis long mekim wok painimaut.

Kalabusman klinim Tokua rot i kam long Kokopo taun

Michael Novingu i Raitim

Mi bin go long Tokua ples balus long kisim *Wantok Niuspepa* i kam salim long strit bilong Kokopo taun.

Taim mi kisim niuspepa i kam mi lukim ol kalabus man long Kerevat haus kalabus i wok long klinim rot long Tokua i kam long Kokopo taun.

Woda man husat i lukautim ol dispela kalabus man i no laik tokaut long nem bilong em, tasol em i tokim

Wantok Niuspepa olsem dispela wok ol i mekim em ENB Provinsal Edministresen long han bilong komyuniti divelopmen i tok orait long ol kalabus i mekim dispela wok.

Em i tok tu olsem dispela wok ol kalabus man i mekim em i wanpela rihebilitesen wok long helpim ol i stap gut na pinisim taim bilong ol na bai ol i ken go bek long ol komyuniti bilong ol.

Em i tok ol dispela kalabus man em ol low

risk husat i no inap long ranawe na bagarapim ol manmeri taim ol i stap ausait long banis kalabus.

Long wankain taim kalabus man Lawrence Tommy i tokim *Wantok* olsem ol i amamas long mekim kain wok olsem long helpim komyuniti.

Em i tok ol low risk kalabus man i save harim tok bilong ol woda na mekim wok ol i save givim long ol.

Tommy i tok long taim ol i wok outsait, ol i gat sans long long

bungim ol famili bilong na toktok wantaim na bai ol i bel isi na go bek long haus kalabus na wetim taim bilong ol.

Em i tok ol i bin sampela komyuniti wok olsem pinis long sampela hap bilong Is Nu Briten.

Em i tok tenk yu long Is Nu Briten provinsal edministresen na ol woda long wokbung wantaim na givim sans long ol kalabus i kam autasit long publik na ol i amamas long helpim komyuniti.

Stretim save bilong ol kriminal loya

Kolopu Waima i raitim

OL solisita na prosekuta bilong Papua Niugini i skruim save bilong ol long kriminal kes long wanpela woksop long Mosbi.

Opis bilong publik prosekuta na publik solisita i holim dispela woksop. Australia i sapotim dispela.

Loya bilong publik prosekuta na publik solisita long ol narapela rijoni kam long Mosbi long dispela trening. Ol Jas bilong

Kwinslan na ol Barista bilong Kwinslan Ba i kam long Mosbi long skulim ol loya bilong PNG.

Lo bilong Kwinslanna Papua Niugini i wankain na helpim bilong PNG-Australia lo na Jastis pren na Australian Dipatmen ov Atoni Jeneral, bilong PNG na Kwanslan i strong tru.

Publik prosekuta na publik solisita iamamas helpim bilong Australia gavman long dispela woksop. Ekting Minista bilong

Divelopmen Koporesen bilong AustraliaHai Komisin James Hall i tok planti provinsal bes loya i gat sans long kisim dispela helpim wantaim Kwinslan lo komiti na Australia gavman i sapotim long mani.

Publik prosekuta i sapotim long independen prosekusen bilong kriminal kes olsem ol trabel bilong kilim man, korapsen na seksual ofens long kot.

Tripela de woksop i bin pinis long las wik Fraide.

FARM TRACTORS

- Slashers
- Disc Ploughs
- Disc Harrows
- Post Hole Augers
- Trailers

120hp
90hp
70hp
50hp
40hp

AGMARK MACHINERY

POR* MORESBY: 323 2658 | Digicel: 7215 0333 / 7217 9815
LAE: 472 6324 KOKOPO: 982 6748 | email: machinery@agmark.com.pg

Meri lida i mas kamap gutpela piksa

Frieda Sila Kana i raitim

"TAIM mi yangpela meri na mi wok long kamap bikpela, mi save laikim wanpela meri olsem em i piksa bilong mi laik bihainim," Delilah Gore, Minista bilong Haia Edukesen na Memba bilong Sohe i tok.

Misis Gore i bin mekim dispela toktok long taim em i bin kamap long wanpela brekfas kaikai ol Pot Mosbi. Ol Bisnis na Profesenel Meri Klap wantaim Australia Dipatmen bilong Foren Afeas na Tred, i bin redim long makim Intenesenel De bilong ol meri, long Mande 10 Mas.

Misis Gore i tok, em i save laikim pasin bilong em, em Misis Margaret Thatcher, bipo Praim Minista bilong England bipo. Em i tok, em i laik

kamap olsem dispela meri bilong wanem dispela meri em i wankain meri tasol olsem olgeta meri tasol em i kisim wanpela wok em i namba wan long nesen bilong em.

"Misis Thatcher em i meri bilong wanpela man, em i mama bilong ol pikinini na em i wanpela wok meri olsem yu na mi. Sapos em inap sanap namel long ol man na mekim ol i kolim em 'ain meri', yu na mi i ken kamap olsem tu," Misis Gore i tok.

"Mi yet mi no kamap long wanpela taun o siti. Mi em wanpela meri i kamap long ples stret na mi go skul na mi wok mani. Tasol tingting bilong mi i kirap long mi laik makim maus bilong ol pipel bilong mi na mi sanap long ileksen. Mipela 4-pela meri namel long 54 kenidet bilong Sohe ilektoret na mi gat bikpela amamas long tokaut olsem



Delilah Gore, Minista bilong Haia Edukesen na Memba bilong Sohe Ilektoret toktok long ol meri long Intenesenel Meri De. *Poto: Frieda Kana*

mi bin go pas yet long winim dispela sit," em i tok.

"Mi wanpela singel mama, man bilong mi i bin lus 14 yia i go pinis, olsem na ol brata bilong mi i bin sanap strong tru baksait long mi na i strongim tingting bilong mi. Ol i gat bilip long mi na mi winim dispela sit bilong memba. Nau sapos yu wanpela man i stap, yu ken mekim wankain long meri bilong yu, sista bilong yu, o pikinini meri bilong yu. Dispela em bai statim wanpela senis insait long sosaiti bilong yumi long PNG," Misis Gore i tok.

Em i tok moa olsem ol intenesenel komyuniti ol man i kam stap namel long yumi em ol i soim gutpela pasin long ol Papua Niugini man long bihainim. Em long pasin bilong rispekim ol meri olsem ol i ken mekim wankain wok olsem man, na tu ol i gat wankain mak

long sosaiti na famili olsem ol man.

"Bilong mi long kisim dispela wok Minista bilong Haia Edukesen, em mi no go kempein o lobi long en, nogat. Ol i makim mi tasol na mi kisim. Mi no gat save long edukesen tasol mi mama na mi save long wanem hevi bilong pikinini," em i tok.

"Nau mi tu laikim olsem sampela narapela yangpela meri bai lukim mi na ol i mas laik kamap olsem mi. Sapos yu laikim wanpela nesen bai kisim edukesen, yu mas helpim ol meri long kisim edukesen," Misis Gore i tok.

Ol Profesenal na Bisnis Meri Klap i save helpim ol yangpela meri na ol meri i stap long wok pinis na ol lain i mekim bisnis long kisim moa skul na save long mekim wok na strongim ol meri long go het wantaim kirap bilong nesen.

Australia i strongim meri PNG long senis

HAI Komisina bilong Australia long Papua Niugini Deborah Stokes i bin bungim ol memba bilong Pot Mosbi Bisnis na Profesenel Wimen Klap long Mande 10 Mas bilong makim Intenesenel De bilong ol meri.

Bikpela toktok bilong ol Bisnis na Profesenel Wimen Klap long dis-

pela yia em 'Kirapim Tingting bilong Senis,' olsem na Ms Stokes i tok olsem sapos ol meri na man i wok bung wantaim long wankain mak bai dispela i ken strongim ikonomi long kamap bikpela na kamapim moa mani.

"Gavman bilong Australian i gat strongpela tingting long i go pas tru

long strongim jenda ikwaliti na empawamen bilong ol bikpela meri na ol yangpela meri long Indo-Pasifik em Papua Niugini i stap insait long en," Mis Stokes i tok.

"Bikpela namba bilong 774 milien lain i no save long rit na rait long wol em ol meri tasol, na dispela namba i stap wankain tasol long 20

yia i go pinis i kam inap nau tu," em i tok.

Intenesenel Leba Ogenaisesen i makim olsem Esia Pasifik rijon i save sot long mani olgeta yia bilong wanem ol meri i no gat inap rot long kisim wok i save mekim mani.

Gavman bilong Australia i save makim ol program we i save

helpim ol meri long go het aninit long tripela mak: Maus bilong ol meri long lidasip, wok bilong kamapim bel isi na long mekim disisen, Strongim ol meri long ikonomik wok, Stopim pasin bilong paitim na bagarapim ol mama na ol yangpela meri.

Australia i wok long givim sapot long Royal PNG Konstabuleri long

helpim ol lain i kisim bagarap long han bilong ol famili lain bilong ol yet long pasin pamuk, pasin bilong pait na slip wantaim meri. Australia gavman i helpim long kirapim ol Famili na Sek-sual Vailens Yunit long olgeta hap bilong kantri.

Long yia i go pinis Ms Stokes i bin stap insait tu long haus krai kibung na i bin kamapim moa

luksave long hevi bilong ol meri long Papua Niugini, na dispela i bin givim strong long haus palamen i kamapim lo bilong Famili Proteksen long dispela yia.

Intenesenel Wimens De i save kamap long Mas 8 long olgeta yia long tingim ol wok bilong ol meri insait long ikonomik, sosol na politik long wol.



**NEW THINKING
HYUNDAI NEW POSSIBILITIES.**

**DUMP
TRUCKS NOW
IN STOCK!**

**Biggest Load Capacity in its Class.
300mm Extra Cabin Room for the
Biggest Cabin in its Class and...
Unbelievable prices!**

- ✓ Class leading extra spacious SuperCab
- ✓ Dual circuit brakes with vacuum servo assist
- ✓ Torsion Bar Tilt Cab
- ✓ Nation-wide Service & Parts back-up.

NO OTHER TRUCK COMES CLOSE!

HD65 LIFTS THE LID ON RUNNING COSTS

Talk to PNG Motors to find out how HD65 could improve your business performance.

ASK ABOUT CUSTOMISED BODIES!



**PNG Motors.
PNG People.**

MORE TIME ON THE ROAD. LESS TIME IN THE WORKSHOP. HD65: IT MAKES BUSINESS SETISE!
 Port Moresby: **325 5788** | Mount Hagen: **542 2100** | Lae: **472 4733** | Kokopo: **982 8514**



**Genuine
HYUNDAI Parts**
 hyundai.png.com

Kate Distrik bai lukautim Sinod 2016

By Paulus Tali

Namba 30 sinod bilong Evanjelikal Lutheran Sios bilong Papua Niugini bai kamap long Finsafen. EL-CPNG Kate Distrik bai lukautim dispela sinod.

Lukluk bek long namba 29 sinod i kamap long Karkar distrik, sinod i bin kamap gut tru na klostu long 3 tausen manmeri wantaim ol deliget bilong wan wan distrik na ovasis visita tu i bin kam bung.

Long Karkar sinod planti bikpela toktok i bin kamap long wok bilong sios. Sampela bikpela toktok o isu i kamap em tok bilong bisnis han bilong Lutheran Sios olsem Lutheran Siping i bin kamap. Stat bilong Lutheran Siping i bin kamap long ofa mani bilong ol Sande skul pikinini bilong Bavaria insait long Jemani i bin salim mani i kam na ol i ki-

rapim long mekim wok misin.

Sinod i toktok long dispela kampani i mas wok gut na kamapim profit bilong mekim wok bilong autim Gutnius insait long Papua Niugini. As tru bilong kirapim Lutheran Siping em long sapatim wok Gutnius bilong Lutheran Sios insait long Papua Niugini.

Tasol long lukluk bilong nau, Lutheran Siping i no bihainim mak bilong en long inapim wok misin bilong sios ol Sande Skul pikinini bilong Jemani i tingting na salim mani long en. Narapela bikpela isu em toktok bilong Lutheran Yunivesiti.

Sinod i lukim olsem Lutheran Yunivesiti i mas bihainim tingting bilong Sinod resolusen na stia bilong sios tasol na kamap. Bikpela laik bilong Lutheran Sios em i olsem, Yunivesiti i mas kamap kwik na ol i mas statim skul hariap.

Dispela em i tingting bilong olgeta Lutheran manmeri insait long Papua Niugini.

Sinod tu i toktok moa long wok bilong Gutnius. Ol sios wokmaneri olsem ol pasto, evanjelis, hetman na hetmeri, yut wantaim wokmama na arapela bikpela wok i sut long autim Gutnius insait long EL-CPNG, na i no long arapela as. Sinod i skelim sampela tingting olsem, ol sios lida i no tingting long mekim wok bilong autim gutnius. Tingting bilong mani na kago i kamap bikpela tru na pasin bilong daunim ol yet long mekim wok bilong autim Gutnius i stap liklik tru.

Sinod 29 i pinis long Sarere 16 January, 2014. ELCPNG Karkar distrik i bin givim hap plang bilong sinod i go long ELCPNG Kate Distrik. Kate distrik bai lukautim namba 30 sinod long yia 2016.

Presiden bilong ELCPNG Kate Distrik, Rev. Kelly Rabisang, i bin tok tenkyu long Karkar distrik i lukautim gut dispela sinod. Em i tok, "Mipela manmeri bilong Kate Distrik i gat bikpela amamas long kisim dispela sinod. Mipela bai lukautim narapela sinod long Heldsback insait long Finsafen.

Lukluk long histori, ol Kristen manmeri bai kam long dispela sinod na lukim ples we namba wan misinari, Johannes Flierl i bin krungutim lek namba wan taim long Julai 12, 1886.

Kate distrik singsing grup i bin singsing na kisim piksa bilong kanu long han bilong ol Bumsol seket. Tupela yangpela meri i bin sanap antap na soim Gutnius Baibel i makim wok bilong God Bikpela, we Lutheran Sios i mas sanap antap long en.

UNAIDS bai strongim wok wantaim ol sios ogenaisesen

I kam long Zenit Nius Ejensi

UNAIDS em wanpela han bilong Yunaited Nesens (UN) i save mekim wok long sik AIDS long wol i bilip strong olsem ol sios ogenaisesen inap helpim ol gut long wok bilong daunim na lukautim ol pipel i gat sik AIDS.

Long las wik, UNAIDS i bin bung wantaim Katolik Sios helpim ogenaisesen, Caritas Internationalist long Rom.

Ol lain i bin sapatim bung hia em UNAIDS na Caritas Internationalist yet, UNITAID, Embasi bilong Amerika long

Holy See na CUAMM em ol dokta bilong Afrika, Global Fund, Catholic Relief Services na Ecumenical Advocacy Alliance.

As tingting bilong dispela bung em long moa pipel long wol i mas kisim HIV na AIDS marasin na tu, strongim wok bilong ol feit beis o sios ogenaisesen long kisim dispela sevis i go aut.

Asisten Seketeri Jenerel bilong UN na Deputi Eksekutyutiv Dairekta Program, UNAIDS em Dokta Luiz Loures, i tok wok bilong lukim olsem 15 milien pipel i gat sik AIDS i mas kisim marasin na lukaut kam

yia 2015 em i bikpela wok.

Em i tok UNAIDS yet i no inap mekim dispela wok, tasol ol sios ogenaisesen i save givim gutpela sevis na sevim planti milien pipel long wol. Na olsem, ol i mas stap insait long wok bilong kisim marasin long ol sik AIDS lain i laikim dispela sevis.

Ol i gat ol wok manmeri bilong ol i stap long mekim wok, ol netwok, save na ekspiriens. Ol bai kamap ol strongpela patna na poroman bilong mipela long helpim planti lain long kisim sevis," Dokta Luis Loures, i tok.

Dispela bung i hap long wok bilong UNAIDS aninit long het tok Tritmen 2015 Inisietiv long

givim HIV na AIDS marasin i go long 15 milien pipel i gat dispela sik.

Long ol ripot bilong UNAIDS, 2012, 9.7 milien pipel long ol ples i hat long sevis i go long ol i wok long kisim HIV na AIDS marasin ol i kolim long antiretovairoal marasin.

Bung i luksave tu long bikpela wok long givim HIV na AIDS sevis we Caritas na ol ejensi bilong sios tu ol narapela sios i mekim wantaim liklik mani ol i gat long en.

"Mipela i gat wankain tingting na gol long givim sevis na marasin i go long olgeta pipel i gat dispela sik," Jenerel Seketeri bilong Caritas Internationalis, Michel Roy, i tok.



Lent em i wanem?

LENT long tok Inglis "The period from Ash Wednesday to Easter Eve, of which the 40 weekdays a time of fasting and penitence. A time of self examination and repentance through prayer and self-denial, and time of reading and meditating on God's Holy Word."

Long dispela Holi Lenten Sisen, Angliken Sios i strongim olgeta bilip manmeri long glasim na yusim lent sisen olsem taim bilong redim Bikpela Pestode bilong Paskol Misteri bilong dai na kirap bilong Jisas Krai. Sin i strongim yumi long glasim yumi yet na mekim konpesio, basetim taim long stadi, meditet long tingting wantaim God long taim bilong traim.

Em i gutpela taim yumi mas glasim asua bilong yumi, asua yumi mekim long famili na asua yumi mekim ol wantok, na redi nau long autim pekato bilong yumi long God, na tok sori na redi long planim olpela pasin pait aninit long diwai kros taim Jisas i dai antap long kruse.

Em i taim bilong traim na yumi mas redi long pait egensim birua bilong yumi satan na insait long dispela 40 de yumi mas tok no, no, no, na kamap wina wantaim Jisas. Long Sande i go pinis, semen i makim stret long Jisas, Satan i traim em long tripela hap.

Matyu 4.1-11, dispela 3-pela traim em tasol, taim bilong lent i askim yumi long banisim yumi yet wantaim Jisas na yumi i no ken givim sans long satan.

Long dispela tripela traim i kamap long Jisas, namba wan em bodi (physical sin). Em long mekim ston i kamap kaikai na inapim bel long pinisim hangre. Tasol Jisas i tokim satan olsem, "Man i no ken stap wantaim kaikai tasol, nogat!

Em i mas ritim o kisim olgeta Tok Tru i kam long maus bilong God tasol. Em i olsem Tok bilong God i mas kamap namba wan long spiritual laik bilong yumi pastaim bihain long bodi.

Namba tu em tingting (Mental sin), Satan i laik mekim Jisas i kisim biknem, glori na ona bilong dispela graun na lus tingting long wok em i kam long em, politikel pawa.

Tasol Jisas i tok, "Yu no ken putim Bikpela bilong yu long traim." Planti taim tingting bilong yumi i save kamap wankain olsem.

Yumi olgeta laik kamap lida, kamapim biknem na olgeta de yumi laik sindaun antap na luk daun long ol arapela. Em i no stret!

Yumi mas i gat daun pasin na pasin rispek i mas i stap na larim lidasip bilong Krai i mas rulim yumi na tingting bilong yumi i mas pas wantaim God.



FORD SERVICE

Proper maintenance is a big deal. So here's a deal to make it easier...

20% OFF

THE WORKS™ CAR CARE PACKAGE

For a limited period you can get an oil change, tyre rotation, a fluid top-up and a comprehensive 27-point inspection carried out by our qualified Ford mechanics.

Only at NIU Ford and only until March 31, 2014.

To receive your 20% off voucher, visit www.fordconsumer.com, then contact NIU Ford to book your service.

Ford NIU FORD

Port Moresby: 325 5788 | Mount Hagen: 542 2100
Lae: 472 4733 | Kolopo: 982 8514

Ford

Go Further



Polis blong Indonesia i lukluk long ol trabel long Wes Papua (Credit: AFP)

Pasifik sios i mas sapotim Wes Papua

I gat bikpela askim i bin kamap olsem ol sios long Pasifik i mas autim moa toktok long mekim Indonesia i kamapim gutpela rot bilong lukautim ol Wes Papua.

Ol lida bilong ol sios long Pasifik i tok ol sios long rijon i mas toktok strong long ol bagarap ol soldia bilong Indonesia i wok long kamapim long Papua provins bilong Indonesia.

Katolik Bisop Konprens bilong Papua Niugini na Solomon Ailan i gat wankain tingting long dispela. Ol i tok nau i taim bilong ol sios bilong rijon i mas bungim tingting long dispela wari bilong ol pipel bilong Wes Papua.

Pater Victor Roche, Jenerel Seketeri bilong Katolik Bisop Konprens bilong Papua Niugini na Solomon Ailan i tok Katolik Sios bilong PNG i gat bikpela wari long dispela na ol bai mekim wanem samting ol i ken long sapotim dispela tingting bilong ol arapela lotu bilong Pasifik.

Em i tok nau planti Wes Papua pipel long Papua Niugini i askim strong ol pipel bilong Papua Niugini i mas givim sampela kain helpim long wari bilong ol. Fr Roche i tok long sait bilong Katolik Bisop Konprens ol i gat wankain wari na bai ol i mekim wanem samting ol i ken long harim wari bilong ol na givim wanem kain helpim ol inap long mekim.

Long wanpela bung i no longtaim i go pinis long Pot Mosbi long luksave long wok bilong Gavana bilong Nesenel Kapitel Distrik Powes Parkop long sait bilong Human Rights, Fr Victor Roche i tok planti mausman bilong ol arapela sios tu i bin stap na ol i sapotim tingting bilong i mas gat luksave long askim bilong ol Wes Papua pipel.

Long sait bilong Pasifik i bin gat toktok tu i kam long Jenerel Seketeri bilong ol Pasifik Sios Reveren Francios Pihaatae.

Em i tok ol sios bilong Pasifik i bin pasim maus longpela taim tumas long dispela wari bilong Wes Papua olsem ol pipel i wok long kisim planti bagarap long hap.

Em i tok em i no wok bilong ol sios long mekim Wes Papua i kisim independens, tasol ol inap kamapim sampela senis sapos ol i autim toktok bilong ol long ol hevi i wok long kamap long Wes Papua na ating Indonesia bai sensim pasin bilong em.

Ol PNG yunivesiti meri i stap long bung bilong ol meri

Plantu yangpela meri bilong ol yunivesiti long Papua Niugini i bin stap long bikpela miting bilong ol meri long Pot Mosbi.

Maria Linibi i tok plantu yangpela meri bilong ol yunivesiti long Papua Niugini i bin stap long dis-

pela bikpela miting.

Samting olsem 800 pipel i bin stap long tupela de bikpela bung bilong ol meri em Embasi bilong Amerika long PNG na Dipatment bilong Komyuniti Dvelopmen na UN Wimen wantaim ol arapela ejensi bilong Yunaitet Nesen i bin lukautim.

Praim Minista Peter O'Neill i bin opim dispela bung, na Minista bilong Plening Charles Abel na Gavana bilong NCD Powes Parkop i bin pasim.

Maria Linibi husat i go pas long PNG Wimen In Egrikalsa i bin stap tu long dispela miting na em i tok olsem em i amamas long lukim planti ol yangpela meri i bin stap tu.

Misis Linibi i tok planti taim ol bikpela meri tasol i save stap long ol miting na ol yangpela i no save kamap long ol dispela miting, olsem na em i bin amamas planti yangpela meri i bin kamap na harim toktok na lainim planti samting ol senia meri.

Malaysia Airlines flight MH370 i lus

Ol lain bilong Vietnam i tok ol i mas lukim sampela pipia bilong dispela balus bilong Malaysia i bin lus long solwara.

Ol balus bilong Vietnam i stap insait long ol wok painim long dispela jet balus i bin lus long Sarere nait. Ripot i tok i bin gat sikispela pipel bilong Australia i stap namel long dispela 239 pipel insait long Malaysia Airline flight MH370. Balus ya i bin lus bihain long em i lusim Kuala Lumpur long Malaysia i go long Beijing long Saina.

Las toktok bilong balus i go long ea trafik kontrola taim em i bin stap 120 mail long nambis bilong Malaysia klostu long liklik taun bilong Kota Bharu long Sarere.

I no bin gat sampela toktok bilong dispela Boeing 777-200ER long tok save sapos em i bungim sampela hevi pastaim long em i bin lus.

Gavman bilong Vietnam i tok bai ol i salim moa balus long go sekap gut long wanpela samting ol i bin lukim long solwara samting olsem 80 kilomita long saut-wes bilong Tho Chu Ailan.

Wanpela opisa bilong lain Nesenel Komiti bilong Sets na Reskiu i tokim AFP nius olsem ol i bin kisim toktok i kam long wanpela balus bilong Vietnam olsem ol i bin painim tupela samting em ol i bruk, em ol i ting i mas bilong dispela balus, em ol i painim samting olsem 50 mail long saut west bilong Tho Chu Ailan,

Tupela bikpela mak bilong oil i kapsait ol inap lukim, em i bin kamaut long jet bilong fuel ol inap lukim long Sarere long saut bilong ailan.

Praim Minista bilong Australia Tony Abbott i bin toktok wantaim wan wok bilong em bilong Malsysia Najib Raza long tok sori. Australia i salim tupela RAAF P-3C maritaim seveilens balus long helpim ol wok painim long dispela pasindia balus.

Mista Abbott i tok P-3C Orion em i "long-range maritaim surveillance balus i gutpela long kain wok olsem.



OL JAPAN TURIS: Is Nu Briten provins i save kisim planti turis bilong Japan olsem ol dispela i wok long harim ol stiatok pastaim ol i go hetim wokabaut bilong ol long Kokopo Maket wanpela wik i go pinis. Poto: Michael Novingu



ROT I WOK LONG BAGARAP: Planti hap bilong Madang Haiwe na ol bris samting tu i wok long bagarap olsem Mupi bris long Naru klostu long Kawawar Maket, namel long Madang na Ramu. Poto: Mathew Yakai



OPIM FLAI OVA ROT PROJEK: Las wik NCDC i lonsim o opim K160 milien rot projek bai stat long Jackson's ples balus long Mosbi na kamap long Sir John Guise Stadium long Waigani. Longpela bilong rot em 600 mita. Hawkins Group bilong Nu Silan i statim wok pinis long sanapim ol pos. Poto i soim Praim Minista, Peter O'Neill, NCD Gavana Powes Parkop, Sports na Ivens Minista Justin Tketchenko na ol lain bilong Hawkins Group i sanap wantaim long taim bilong opim projek las wik Trinde. Poto: Nicky Bernard

Trupela lida bai pilim pen bilong pipel na kirapim wok



Palamen i pinisim kibung bilong en tupela wik nau na ol memba i go bek long wan wan ilektoret bilong ol. Ol gavman minista tasol i stap long Mosbi long mekim wok bilong gavman. Na long taim i no gat kibung bilong Palamen, ol memba bilong wan wan ilektoret i save mekim wanem kain wok?

Yumi save olsem ol dispela memba husat i kisim wok minista insait long gavman bai i stap long Mosbi long mekim wok bilong ol ministri bilong ol.

Na sapos i no gat miting bilong

kebinet ol i ken raun i go long ilektoret bilong ol. Wankain tu long ol memba nating. Planti bilong ol i save go bek long ilektoret na mekim wok long raun na lukim pipel na wanem kain projek ol i bin statim pinis o ol i tingting long statim. Sampela stori bilong ol i save kamap long niuspepa na redio o tv na ol pablik long PNG i lukim.

Yumi harim na ritim stori tu bilong sampela memba husat i no laik go bek long ilektoret bilong ol bikos ol pipel i save singaut tumas long mani.

Ol i tok ol pipel i ting ol i ATM masin na i save kam sambai long

taim memba i raun long ilektoret. Sampela memba i les long kain pasin olsem na ol i save lokap tasol long Mosbi.

Planti bilong ol i stap long opis bilong ol long Palamen na operet long rimot kontrol wantaim ol distrik edministreta o opisa bilong ol long ilektoret. Pasin bilong wok-about na lukim pipel i no kamap moa bikos ol i bisi tumas long mekim arapela wok.

Las wik yumi ritim stori bilong gavana bilong Morobe i raun long PMV insait long Lae siti. Gavana i tok em i laik raun long PMV na pilim pen ol pipel i save pilim long

pablik transpot long ol rot i bagarap.

Trupela tok bilong em. Sapos wanpela lida yet i pilim pen bilong pipel ating bai em inap long hariap long stretim.

Tude i gat planti bagarap i kamap long ol rot long kantri. Na gavman i luksave pinis na skelim bikipela mani tru i go long fikisim ol dispela hevi.

Tasol ol dispela lida yet i save raun na lukim wanem kain bagarap i kamap na wanem kain wok i kamap long stretim gen dispela hevi o nogat?

Mani i go long mekim dispela ol

Lapun meri bilong wol-116 krismas

MISAO Okawa i bin selebretim 116 krismas we i mekim em i lapun meri stret long wol.

Em bin selebretim betde bilong em aste, Trinde Mas 11, 2014 long nesing hom long Osaka, Japan.

Okawa i kisim dispela rekot bihain long dai bilong wantok bilong em, Jiroemon Kimura husat i bin dai long las yia long mun Jun taim em I gat 116 krismas.

Okawa em i wanpela long 5-pela pipel, olgeta ol meri, i stap laip tude we mama i karim ol ol yia long 1800.

Planti slip, rileks na kaikai ol helti kaikai olsem pis em i sikret long helti laip, Okawa i tok.

Ol feveret kaikai bilong em em mekerel sushi, bif stiu, spageti o sashimi we em i kaikai olgeta de, wanpela nes long nesing hom em i stap long en long 18 krismas nau i tok.

Mama i karim Okawa long



LAPUN TASOL I FIT YET: Okawa i selebretim 116 betde long Osaka nesing hom. Poto: Getty Images

long 1919 tasol man bilong em i bin dai long 1931, moa long 80 krismas i go pinis. Ol bin gat tripela pikinini na tupela we krismas i stap long 90's i stap laip yet.

Okawa i gat 4-pela bubu na 6-pela pikinini bilong ol bubu.

Okawa i wanpela long 24 pipel bilong Japan husat i abrusim 110 krismas i stap strong na I gat gutpela helt yet.

Ol saveman i tok planti pipel bilong Japan i helti na stap laip longpela taim bikos ol i kisim ol kaikai i no gat bikipela gris, ol i gat gutpela helt kea na pensen mani.

Krismas bilong moa long 54,000 pipel long Japan i abrusim 100 yia pinis, na populesen bilong ol lapun long Japan bai go antap moa long ol yia i kam bihain.

Japan i gat 127 milien pipel na wan kwata long dispela populesen i abrusim 65 krismas pinis. Mak bai go antap.

yia 1898 taim Spenis-Victoria i bin stap olsem Kwin Ameriken woa i stat na Kwin bilong Inglan. Em bin marit



Published Weekly, Thursday, for Word Publishing Company, Ltd.
 P.O. Box 1982, Boroko, NCD
 Papua New Guinea
Telephone: (675) 325 2500
Fax: (675) 325 2579
Email: editorial@wantok.com.pg
Websait: www.wantokniuspepa.com
Pe bilong wanpela yia, 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Acting Editor
Veronica Hatutasi

Published at
Able Building
Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wanpela singsing blong bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - NIUS - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

Raun wantaim Wantok kru ...

Kas T na Papa Heni Fuka so go bikpela

Nicky Bernard i raitim

YUMI FM redio stesin i wok long go long ol narapela ol provins na signal bilong ol i wok long kamap gut tru na planti lain nau i wok long tanim redio bilong ol i go long Yumi FM tasol.

Dispela Tok Pisin redio stesin i wok long pulim planti yau long moning, taim dispela tupela man Kas T na Papa Heni Fuka i save toktok long so bilong tupela long hap pas 7 hap pas 8 na hap pas 9 long moning long San Kamap So.

Dispela so bilong tupela i save mekim ol manmeri long ol liklik provins i painim hat long toktok. Tupela save ridim leta na bihain, tupela save kamap komenteta long ragbi pilai, tupela tu bai kamap singa na singsing.

Plantin PMV bas long Mosbi, Lae na narapela provins i save apim vulum bilong redio go antap taim so bilong tupela i kamap. Dispela i save mekim ol pasindia i lap liklik long moning na go long wok na skul.

Dispela so bilong tupela nau i pulim planti sponsa long kisim tupela raun long ol provins long soim ol nus pes bilong tupela. Plantin ol manmeri na pikinini husat i no save long tupela na i harim nek tasol long redio nau i save long tupela.

Taim planti i save long tupela, ol save lukim tupela tasol na lap i stap pinis long maus bilong ol long wanem ol bai tingting ol pani tok-tok ol save mekim long redio.

Kas T em stap wantaim Yumi FM longpela taim nau, papa Heni



Fuka em save wok tu long opis bilong Yumi na mama kampani bilong ol PNG FM olsem wanpela klina tasol Kas T kisim em long dispela liklik so long wanem Heni Fuka save tok Inglis narakain liklik.

Dispela so bilong tupela i ran klostu long tripela yia na i wok long go strong moa yet. Taim yu gat sans na ringim tupela na kamap olsem komenteta long

ragbi, bai yu gat sans long winim wanpela mobail fon i kam long Bmobile kampani.

Kas T na Papa Heni Fuka i gat nupela kar stika bilong ol PMV Bas, dispela stika em bai yu winim na putim long PMV bas bilong yu, ol wok manmeri bilong Yumi FM bai raun insait long PMV bas na skelim gut bas bilong yu, wei bilong opsait i lukautim pasindia na draiva i draiv gut o nogat. Bas bi-

long yu tu mas klin na bikpela samting em bihainim trefik rul.

Ol wok manmeri bilong Yumi FM bai go bek na sekim ol poin wan wan bas i kisim na bihain tok-save long wina. Dispela bas husat i winim stika na sampela moa prais bai Kas T na Papa Heni Fuka bai raun insait long dispela bas na mekim Moning So bilong tupela laip insait long dispela bas.

EMTV Television Guide

Table with 2 columns: Time and Program Name. Includes programs like AUSTRALIAN NETWORK, JOYCE MEYER, EMTV NEWS REPLAY, TODAY, CLASSROOM BROADCAST, FRAIDE MAS 14, 2014, AUSTRALIA NETWORK, JOYCE MEYER, EMTV NEWS REPLAY, TODAY, CLASSROOM BROADCAST.

Table with 2 columns: Time and Program Name. Includes programs like TRAPPED YR.2 CASTAWAY, EMTV NATIONAL NEWS, RAIT MUSIK EP#202, RESOURCE PNG Ep#14/09, SOKA XTRA EP#10/2014, HOT SPOT EP#10/2014, ELITE MUSIC ZONE EP#2014/08, NRL FOOTY SHOW - EP#02, NEWS REPLAY, FRAIDE MAS 14, 2014, AUSTRALIA NETWORK, JOYCE MEYER, EMTV NEWS REPLAY, TODAY, CLASSROOM BROADCAST.

Table with 2 columns: Time and Program Name. Includes programs like Grade 6 Science, Grade 6 Maths, Grade 7 Maths, Grade 7 Science, Grade 8 Maths, Grade 8 Science, DEP (I), KIDS KONA, DORA THE EXPLORER S4 EP#13/25, PYRAMID S2 EP#4/68, THE SHAK SERIES 3 EP#1/42, SKIPPY THE BUSH KANGAROO-CRIME STOPPERS, EMTV NATIONAL NEWS, IN MORESBY TONIGHT-2014 - NRL ROUND 2, SEA EAGLES vs. RABBITOHS, 2014 - NRL ROUND 2, BRONCOS vs. COWBOYS.

Table with 2 columns: Time and Program Name. Includes programs like EMTV NEWS REPLAY, SARARE MAS 15, 2014, AUSTRALIA NETWORK, EMTV NEWS REPLAY, IN HIS STEPS EP#10, AUSTRALIA NETWORK, AMAZING SPIES - EP#13, ESCAPE FROM SCORPION IS, ULTIMATE GUINNESS WORLD, TRAPPED CASTAWAY EP#17/30, SKIPPY - A BIRD IN THE, AUSTRALIA NETWORK, 2014 - NRL ROUND 2, WARRIORS vs. DRAGONS, OLSEM WANEM EP#14/09.

Table with 2 columns: Time and Program Name. Includes programs like EMTV NATIONAL NEWS, 2014 - NRL ROUND 2, SKUL BILONG YU - Ep#1 Rpt..., 2014 - NRL ROUND 2, NATIONAL EMTV NEWS REPLAY, SANDE MAS 16, 2014, AUSTRALIA NETWORK, EMTV NEWS REPLAY, IT IS WRITTEN, HILLSONG, AUSTRALIA NETWORK, TBA, BUSINESS PNG YR.3 #08 Rpt., TBA, OLSEM WANEM EP#14/09 -

TORO



BIABIA



KANAGE



SUDOKU

4 9 8 1 2 3 5 6 7
3 7 5 6 9 4 2 8 1
2 6 1 5 7 8 4 9 3
6 3 9 8 4 7 1 5 2
1 5 2 3 6 9 7 4 8
8 4 7 2 5 1 6 3 9
7 8 6 4 3 2 9 1 5
9 1 4 7 8 5 3 2 6
5 2 3 9 1 6 8 7 4

Ansa bilong las wik Sudoku # 35

3 7 1
5 4 1 9 6
2 6 7
1 4 7 2 3
2 6 4 9
9 7 3 8 5
3 4 9
2 9 1 3 5
9 3 7

Ansa bilong Sudoku # 36 neks isu

ETIKET BOKIS A
M S N A I S O N A I M
T R I I N A P K P B
I S T A M I P I S R
S T A I L N K N O L
T U N A H I D E S B I A
R A I H O S N O T I S
A M E L I A S S I P
F I L I N D A N A
E T D A O F A S
O K R U S E M A N A M P
O I U I M I T A
K E K P N G L N G I S

Ansa bilong las wik kroswod, isu # 2061

1 2 3 4 5 6 7 8 9
10 11 12 13
14 15 16
17 18
19 20 21 22
23 24 25
26 27 28
29 30
31 32 33 34
35 36 37
38 39 40 41 42
43 44 45 46
47 48 49 50
51 52 53

KROSWORD

- Antap 26 Tul 53 Dua bilong ___ i bruk 26 Bung bilong soim ol samting
1 Ol kumu, abus na saiyor 27 Bikpela main Daunbilo 32 Wari
6 Man i kisim ol Juda i kamaut long llij 29 Ol Adventis 2 Bilong lukluk 33 Rul
11 Pulap 30 Bihain long seven 3 PNG kisim long 1975 34 Kantri i bin lukautim
12 Kamapim 31 Wankain olsem 18 4 Givim teist long abus Wes Papua
14 Kiau 33 Ailan grup long Nu Ailan 5 I go antap 36 Bilong mekim musik
15 Lukim long slip 35 Ol spai bilong PNG 6 Diwai 37 Moning taim
16 Bihain long wan 36 Masket 7 I orait 38 Benk
17 Baim 38 Tabak bilong ples 8 Lotu 39 Banis bilong susu
18 Begin 39 Pater i mekim mak bilong 9 Dispela samting 41 Wokim ti i swit
19 Morata bilong haus 43 Solwara i kirap 10 Nupela provins 42 Mak bilong het ston
20 Kisim nating 44 Strongpela diwai 12 Wanples 44 Wasman
22 Long dispela hap 46 Dring long moning 13 Konman 45 Ol katres na gan bilong
23 Pilim nogut 47 Go pas long komiti 16 Kilok i toksave long en 47 Saut Australia
24 "Mista" long nem bilong ol Tolai 49 Masket 20 Pulim longpela toktok 48 I no outsait
25 Ol soldia 51 Fada Krismas 21 Biksiti long Morobe 50 Mak long kompas
52 Draivim long rot 22 I no ples kliia

EMTV Television Guide

10:00 AM G RESOURCE PNG EP#14/09 Rpt. 4:00 AM G AUSTRALIA NETWORK 7:00 PM G NRL 2014 ROUND 1 02:30pm - DEP (I) 09:50am - Grade 6 Maths
11:00 AM G LOVE BITES WITH JOEY 4/26 5:00 AM G JOYCE MEYER SHARKS vs. TITANS 3:30PM G KIDS KONA 10:40am - Grade 7 Maths
11:30 AM G ITALIAN FOOD EP#4/13 Re-run 5:30 AM G EMTV NEWS REPLAY 9:00 PM G COCA-COLA SPORTS SCENE EP 5:00 pm G THE SHAK S2 EP#73/75 11:20am - Grade 7 Science
12:00 PM G AUSTRALIAN NETWORK 6:00 AM G TODAY 9:30 pm PGR NEW GIRL S1 - EP#23/24 5:30 PM G ESCAPE FROM SCORPION 01:00pm - Grade 8 Maths
4:00 PM G 2014 - NRL ROUND 2 9:00 AM G CLASSROOM BROADCAST 10:00 PM G EMTV NEWS REPLAY 6:00 PM G EMTV NATIONAL NEWS 01:50pm - Grade 8 Science
TITANS vs. TIGERS 09:00am - Grade 6 Sciencefollowed by the Australia Network 7:00 PM G HAUS & HOME EP#05 02:30pm - DEP (I)
6:00 PM G EMTV NATIONAL NEWS 09:50am - Grade 6 Maths TUNDE MAS 11, 2014 8:00 PM G GREAT ANIMAL ESCAPES - 3:30PM G KIDS KONA
6:30 PM G TOK PIKSA EP#2014/11 10:40am - Grade 7 Maths 9:00 PM PGR MERLIN S2 - Ep#8/13. 5:00 PM G THE SHAK Series 2 Ep#74/75
7:00 PM G 2014 - NRL ROUND 2 11:20am - Grade 7 Science 10:00 PM G EMTV NEWS REPLAY 5:30 PM G ULTIMATE GUINNESS WORLD
KNIGHTS vs. RAIDERS 01:00pm - Grade 8 Maths 5:57 PM G CRIME STOPPERS
9:00 PM G 60 MINUTES 01:50pm - Grade 8 Science 6:00 PM G EMTV NATIONAL NEWS
10:00 PM MAO SUNDAY NIGHT MOVIE 02:30pm - DEP (I) 7:00 AM G FACT FILES - Alert: Threatened
11:30 PM G HILLSONG Rpt.. 3:30PM G KIDS KONA HI 5 S9 EP#17/45 8:00 PM G OUR PORT MORESBY EP#20
12:00 AM G NATIONAL EMTV NEWS - Replayfollowed by the Australia Network 09:00am - Grade 6 Science 9:00 AM G CLASSROOM BROADCAST 8:30 PM G TOK PIKSA Ep#10 - Repeat.....
DORA THE EXPLORER S4 EP#9/25 09:00am - Grade 6 Science 9:00 AM G CLASSROOM BROADCAST 9:00 PM PGR HOSTAGES S1 - EP#12
PYRAMID S1 EP#62/62 Finale 09:50am - Grade 6 Maths 09:00am - Grade 6 Science 10:00 PM G NEWS REPLAY
5:00 PM G THE SHAK S2 EP#72/75 10:40am - Grade 7 Mathsfollowed by the Australia Network
5:30 PM G AMAZING SPIES - EP#13/26 11:20am - Grade 7 Science
5:55 PM G CRIME STOPPERS 01:00pm - Grade 8 Maths
6:00 PM G EMTV NATIONAL NEWS 01:50pm - Grade 8 Science
09:00am - Grade 6 Science
5:00 AM G JOYCE MEYER
5:30 AM G EMTV NEWS REPLAY
6:30 AM G TODAY
9:00 AM G CLASSROOM BROADCAST
9:00am - Grade 6 Science
09:50am - Grade 6 Maths
10:40am - Grade 7 Maths
11:20am - Grade 7 Science
01:00pm - Grade 8 Maths
01:50pm - Grade 8 Science
5:00 AM G JOYCE MEYER
5:30 AM G EMTV NEWS REPLAY
6:30 AM G TODAY
9:00 AM G CLASSROOM BROADCAST
09:00am - Grade 6 Science

Ol Progam na Kilok i ken senis oltaim...



Teksim Wari, Tingting, Painim Pren, Wantok o Pas bilong yu i kam nau..
Digicel namba: 7235 6149

Raun wantaim Kanage olgeta wik



Ol skwat! Teksim ol gutpela Kanage tok pilai i kam long:
Txt: 72356149

Man lusim meri



Dia Laipain,

MI wanpela marit meri i gat 50 krismas bilong narapela kantri. Mi bin maritim wanpela man PNG, tasol marit bilong mitupela i bin bruk 10-pela yia i go pinis.

Mi stap wantaim tingting olsem mitupela man bilong mi bai tok sori, stretim ol samting na stap wantaim gen. Mi bilip olsem God i bin plenim laip bilong yumi taim em i wokim yumi. Na em yet i lukautim mi long dispela 10-pela yia marit i bruk inap nau.

Tasol hop long mipela i sekan na kamapim wanbel i wok long lus wantaim taim i ron na mi hop olsem bai mi painim wanpela nupela man long poroman wantaim. Dispela em bikos man bilong mi nau i marit na em i gat wanpela pikinini i gat 8-pela krismas. Na mi ting olsem em i no laikim mi moa.

Mi no pilim gut long marit i bruk we i lusim mi wan yet i stap long wanem, plen bilong mi em bilong painim man mi laikim na marit stap wantaim. Na i no bilong mi stap singel mi yet. Nau yet, mi no save God i gat wanem kain plen long mi na olsem, mi stap wantaim wari.

Laipain, plis helpim mi.

Worried Deserted Wife

Dia Pren

I GUTPELA long kisim pas long wanpela meri bilong narapela kantri na askim long helpim bilong *Laipain*. Long pas bilong yu, yu bin tok olsem yu wanpela meri i stap wantaim wari na yu gat 50 krismas na yu maritim wanpela man PNG.

Tasol marit bilong yu i bruk 10-pela yia i go pinis na i luk olsem i nogat wei long yupela i toktok na stretim ol samting na yupela i ken stap wantaim gen. Nau yu laik painim wanpela nupela man long marit na stap wantaim bikos man bilong yu i marit na em i gat pikinini pinis. Yu ting olsem man bilong yu i no laikim yu moa na yu sori long yu wan i stap na tu, yu no save wanem plen God i gat long yu.

Fren, ekspiriens yu wok long go long en em i bikpela long wari na moa yet, bikos yu bilong narapela kantri. Olsem na dispela kain hevi na wari i ken givim skul long planti narapela PNG na tu, ol ovasis lain husat i marit long narapela kantri o i tingting long wokim dispela.

tok long em nau na askim em watpo em bin mekim olsem na plen bilong em long bihaintaim.

Mipela i bilip olsem gutpela toktok namel long yupela bai kamapim gutpela luksave bikos yu hop na weit long kamapim belgut na i no traim long mekim samting long peim bek bikhet pasin man i wokim.

Mipela i luksave olsem taim man i stat long lukim narapela meri na meri i wokim wankain long bekim, marit i save bagarap olgeta. Sapos ol i gat pikinini, ol i save bungim hevi long bikhet bilong papamama i no tingim ol na bihainim laik bilong ol yet. I moabeta long yu noken wokim dispela na bagarapim nem bilong yu.

Pren, mipela i luksave olsem yu no laik long yu wan yet i stapna yu laik painim wanpela man we bai yu lavim na maritim. Tasol bipo yu wokim dispela, i moabeta yu stretim hevi wantaim man bilong yu. Dispela em i bikpela samting long wanem bai gutpela luksave na wanbel i kamap bipo yupela i bruk gut na bihainim laik bilong wan wan.

Taim yu painimaut stret olsem man bilong yu i wokim fainol disisen long maritim narapela meri, orait, yu ken klia gut na go het wokim disisen long rot yu laik go long em long laip.

I moabeta yu tupela wantaim i askim sios pasta na ol lida long givim gutpela stiatok long helpim yupela.

Tasol tingim long ritim Tok bilong Bikpela long 1 Korin 7:39-40 we i tok "marit "meri i no fri taim man bilong em i stap laip yet tasol taim man i dai, em i fri long marit long husat man em i laikim. Tasol em i mas wanpela Kristen. Tasol em bai stap amamas taim em i stap olsem. Em tingting bilong mi na mi ting olsem mi gat Spirit bilong Bikpela long mi." Tu, ritim Matyu 5:31 na 32. Pre long God na em i ken soim plen bilong em long yu.

Pren bilong yu Laipain

Sapos yu gat wari, rait i kam long Life-line, P O Box 6047, Boroko, NCD. Telipon:3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laipain

Dia Wantok Niuspepa, mangi Moko mikis bilong Langs Meto. Mi save laik tru long ritim Wantok Nius. Mi wanpela nupela ilektet wod kaunsel long Kapao LLGC Aseki Men.

10/03/2014

Dia Wantok Nius, nem bilong mi Linda Siau Hikor. Mi bilong Wes Kerema (Ihu) na mi marit long Simbu – Kerowagi. Mi lus kontek wantaim ol lain bilong mi long Mosbi na Kerema. Plis ringim mi long dispela namba 7208 9077 na mi ken stap wantaim yupela.

Tenkyu, Linda -

Dia Wantok Niuspepa, mi wanpela man bipo wok olsem kiap o patrol opisa, i gat save long wok bilong gavman na pablik edministresen. Interes lain yu ken ringim mi long namba 7330 5164 o 7612 2898. Tenk yu, Wantok.

Dia Wantok Nius, mi laik soim bel hevi na wari bilong mi long Madang Pronvinsal Gavman wantaim Open memba bilong Raikos. Olsem wanem na ol no gat luksave long mipela. Tenk yu!

Dia Wantok Nius, Wantok Niuspepa i olsem gutpela sevis long yumi ol lain i no save long tok Inglis. Em tasol na husat i laik sapot yu welkam.

Albert Ake, WHP -

Dia Wantok Niuspepa, mipela papa mama bilong Begesin long Madang provins i no amamas long wanem Brahman sekenderi skul i no save kisim stret ol pikinini bilong Usino Bundi na Gama i go long Braaman. Em i save kisim ol Katolik pikinini bilong arapela distrik tu i save i go skul long Brahman sekenderi. Dispela pasin ol i stret, mipela i askim gavman long kirapim wanpela haiskul long Begesin na dispela i ken helpim olgeta pikinini bilong Usino Bundi na Gama stret. Mipela i askim Upper Ramu distrik DA wantaim edministresen tim bilong em long lukluk long dispela wari bilong mipela. Tenk yu!

Ezekiel Tai Ono, Begesin –

Dia Wantok Nius, mi laik soim bel hevi na wari bilong mi long Madang Pronvinsal Gavman wantaim Open memba bilong Raikos. Olsem wanem na ol no gat luksave long mipela. Tenk yu!

Dia Wantok Nius, mi salim bel hevi bilong mi go long ol memba olsem gavana Powes Parkop tok long buai ban long NCD long TV. Mi lukim ol memba na ol man wan wok long kaikai na toktok long TV ya ol waitman tu was long Tv na lukim kantri stap. Man mi lukim long TV ol memba ol i laik toktok long ol pipel maus bilong ol i ret tru. Powes i no stopim ol. Yupela giaman long palamen i stap. Em tasol, tenk yu!

Mulange Samu –

Paia kukim Tropicana stua long Kokopo



Tropicana Supa maket i paia las wik long Kokopo. Photo Michael Novingu

Michael Novingu i raitim

PAIA I KUKIM stua bilong Kokopo Tropicana long las wik Fraide nait.

Hap bilong dispela paia i kalap i go kukim 4-pela arapela stua i stap klostu long Tropicana. Ol dispela stua em, Lings Freezer, Golden Ruler, SVS Central Mart, na Big Rooster haus kaikai.

Wanpela wokman long Tropicana husat i no laik autim nem bilong em, i tokim Wantok Niuspepa olsem long wan klok long Fraide moning paia i kirap insait long haus kuk. Em i tok ol i slip na ol i kirap nogut long paia i ran hariap i kam insait long supamaketa na i go long haus slip bilong ol.

Em i tok ol i kirap nogut na kisim ol meri pikinini na ol arapela wok lain i stap long kompaun na ranawe i go autsait long seif hap.

Em i tok i no gat wanpela man i dai tasol paia i kukim daun bikpela stua bilong Tropicana.

Em i tok ol wok lain bilong

paia sevis i stap klostu long Kokopo taun tupela minit long ran long kar i kam na kilim paia tasol i no bin kamap inap wanpela aua bihain.

Em i tok sapos ol i kam kwik ol inap sevim dispela stua na stopim paia long kalap i go na kukim ol arapela stua.

Mama bilong Tropicana Ltd Sandra Lau i tok haus bilong ol wok lain bilong em na tupela pikinini bilong em i bagarap.

Planti manmeri i pulap na kapsait long Williams rot long Kokopo long lukim ol stua i paiai go daun. Sampela bilong ol dispela manmeri i tokim Wantok Niuspepa olsem ol i sori long lukim Tropicana i paia bikos stua ya i save daunim prais bilong ol samting na dispela i helpim ol grasrut manmeri.

Sampela i tok ol i sori long mama bilong kampani Sandra Lau bikos em wantaim man bilong em John save helpim ol skul, haus sik na ol manmeri long mani na long kirapim developmen bilong Is

Nu Briten provins.

Ol polis i wok long mekim wok painimaut long dispela bikpela paia nau.

Wok man long stopim paia long Kokopo i pamim wara long stopim paia long SVS Mart long Kokopo las wik. Poto Michael Novingu



Vanimo i laikim NDB long opim benk

EKTING Gavana bilong Sandaun, Paul Negai i askim Nesenel Developmen Benk long kirapim wanpela han bilong benk long Vanimo taun.

Mista Negai i mekim dispela singaut long taim em i bin kamap ges spika bilong wanpela Rodso bilong ol NDB Meri long Bisnis.

Ekting Gavana Negai i tok Sandaun i stap long boda mak bilong Indonesia na ol pipel bilong PNG i gat sans long go insait long hap bilong Indonesia long lukim wanem kain bisnis i save kamap long hap. Tasol ol pipel i no gat mani long holim na i go wantaim.

"Ol pipel bilong Sandaun i bin stap rabis longpela taim na nau em i taim long NDB i

mas givim sans long ol pipel i ken mekim bisnis," Mista Negai i tok.

Em i tok Provinsel Gavman i gat baset bilong stretim 5-pela bikpela rot insait long Provins long strongim ikonimik wok long provins bihainim tingting bilong gavman long kirapim ol SME o liklik na namel sais bisnis. Olsem na em i rait taim long NDB i mas putim wanpela han bilong benk long Sandaun.

"NDB em i benk bilong ol liklik lain o gras ruts olsem na em i mas lukluk long nid bilong ol pipel bilong Sandaun long putim opis long hia," Gavana Negai i tok.

Nau yet, ol lain husat i laik kisim dinau mani long NDB, em ol i save go long Wewak

long Is Sepik Provins na Madang long pulimapim ol pepa bilong putim aplikesen. Dispela em i save nidim bikpela mani long ol i mekim olsem, na i givim planti hevi tumas long ol pipel na ol lain i sot long mani em ol i no save go.

Mista Negai tok Sandaun Provinsel Gavman bai i givim gutpela sapot wantaim hap graun long NDB i ken sanapim Brens Opis, tasol nau yet ol i ken givim wanpela spes long opis bilong ol long wanpela NDB Opisa i ken wok pastaim.

Em i tok em bai raitim wanpela pas i go long Menesmen bilong NDB na Minista i bosim NDB long dispela han bilong NDB bai i kamap long Vanimo.

ADB i mekim bikpela wok long kantri

Stanley Nondol

SIAMAN bilong Wol Benk na Intenesenel Moneteri Fan na olpela minista bilong Tresari, Don Polye tok Esien Developmen Benk (ADB) i mekm bikpela wok long developmen bilong Papua Niugini maski ikonimi bilong kantri i bin go daun tru long sampela yia.

Mista Polye i tok ADB i bin givim ol helpim long dinau mani long PNG taim strong bilong Kinai bin pundaun go daun long 1.8 egensim mani bilong Amerika na Australia.

Planti ol developmen patna i no laik long givim moa dinau long PNG na i bin surik long dispela taim tasol ADB i bin stap pas tru long helpim PNG na nau i wok long givim yet mani long sapotim developmen long kantri.

Mista Polye i mekim dispela tokotk long las wik taim em i bungim ADB Eksekutiv Dairekta Yeo Yoon husat i save makim PNG long bod bilong ADB.

Mista Polye i tok tenkyu long Mista Yoon long makim PNG long bod na i save tokotk strong long kisim mani bilong ADB na sapotim developmen long kantri.

Em i tok ikonimi bilong kantri i bin pundaun long yia 1990 i kam antap na strong bilong Kina i pundaun na planti ol autsait kantrii no gat bilip long PNG.

Polye i tok nau planti ol kantri long wol i resis na putim ai long wokim bisnis long kantri na i wok long putim pepa na tokotk wantaim gavman bikos ikonimi bilong kantri i gro long las

10-pela yia na bisnis long maining, oil na ges i wok long kamap bikpela.

Mista Yoon i tok em i amamas long ADB i givim bikpela mani long PNG long mak bilong US239 milien na dispela i bikpela tru long Pasifik rijon.

Las mun Asian Development Bank (ADB) na PNG gavman i sainim bikpela long agrimen long \$US 239 milien o K577 milien dinau long stretim ol rot long Hailens rijon na ol ea sevis long kantri.

ADB i givim US\$109 milien dinau long namba tu Hailens Rijon program long stretim ol rot. Bai ol i stretim ol rot long Hailens long sapotim ol pipel long mekim isi long egrikalsa bisnis olsem kopi, ti, na ol gaden kaikai.



Our popular 40th Anniversary fare is back!

Available now until the 31st of March 2014.
So book early!!

Call toll free on **180 3444** or visit www.airniugini.com.pg and contact your nearest Air Niugini Travel Centre or Travel Agent for further details.



Inplent long stopim populesen gro

Frieda Sila Kana i raitim

INSAIT long Nesenel Helt Plen bilong 2011 i go 2020, hevi bilong mama i dai long taim bilong karim bebi i go bikpela bikos ol mama i wok long kisim bel klostu, klostu. Piksa ol i soim em olsem nau yet long PNG, wanpela meri bai i gat 25 taim sans long dai insait long laip taim bilong em i winim meri i no gat pikinini.

Wanpela ripot bilong Yunaitet Nesenel Populesen Fan I tok, i lukim olsem populesen namba bilong kantri bai i kamap abol insait long narapela 20 yia i kam. Nesenel senses long 2011 i soim olsem nesene populesen i gro long mak bilong 2.8 pesen long wan wan yia. Dispela em i bikpela tumas na i mekim mak bilong PNG long namba 50 i kam antap long namba 15 ples.

I gat 3,000 meri long Karkar na Bagabag Ailan insait long Sumkar Open Iktoret long Madang nau i gat wanpela gumi o nidel em ol lain



Piksa bilong ol meri i putim inplent aninit long skin long han bilong ol long Karkar Ailan.

bilong populesen kontrol i putim long han bilong ol.

Na memba bilong Sumkar, Ken Fairweather i husat I bin wanpela bilong ol lain i givim stori long

wanem samting ol i wok long mekim long stopim populesen, i tok i gat 12,000 meri long PNG nau i gat dispela inplent o nidel long bodi bilong ol, na 3,000 bilong ol em ol

meri long Karkar Ailan. Tasol nau ol i gat 5100 stat long Ogas 2013. Ol i gat plen long kisim 5,000 moa mama na ol yangpela meri pastaim long dispela yia i pinis.

Dispela nidel o inplent ol i save putim aninit long skin bilong han bilong ol. Em bilong givim spes long ol pikinini wanpela mama i ken karim inap long 5-pela yia bihain taim ol i go long haus sik o klinik gen na rausim. Dispela rot bilong famili plening em i isi tru long mekim na i no gat narapela hevi bilong long en.

Mista Fairweather i bin tokaut long dispela insait long Famili Plening Edvokesi Miting long Mosbi las mun. Nesenel Dipatmen bilong Helt i go pas long redim dispela kibung wantaim Yunaitet Nesens Populesen Fan (UNFPA) na Seif Motherhood Alaiens. Ol i bin bungim ol memba bilong Palamen, na ol gavana wantaim, long toktok long hevi bilong bikpela populesen na we bilong strongim Famili Plening long kantri.

Em i tok ol meri long Karkar i hamamas long stopim pikinini bilong wanem em i givim ol malolo long wok na tu long bodi bilong ol i ken kisim strong gut.

NACS motobot lus long Raikos

James Kila i raitim

WANPELA 23-fut motobot bilong Nesenel AIDS Kaunsil long Madang i bin lus long Raikos Distrik, Madang Provins long las wik.

Dispela moto bot em ol AIDS Kaunsil na ol helt opisa i save yusim long wokim helt ekstensen wok, na tu long bringim marasin i go long helpim ol komyuniti long Raikos Distrik, tasol ol sampela lain i stilim pinis.

Dairekta bilong Madang Provinsal Helt, Marcus Kachau i tokaut long dispela na em i mekim bikpela

singaut nau i go long ol pipel bilong Saidor na Raikos LLG insait long bringim bek dispela moto bot.

Mista Kachau i tok, dispela bikpela askim i go long ol pipel bilong Singor, Waraia na Biliau long sekim ol yet gut sapos wanpela bilong ol i haitim dispela 23-fut moto bot long eria bilong en i stap, em i mas bringim bek. Askim i go long ol Raikos long soim gutpela pasin na bringim bek dispela moto bot bihain long em i lus long solwara bilong ol.

Mista Kachau i bin givim toktok pinis long Redio

Madang long ol pipel bi-pipel bilong Raikos sapos ol i luk-save olsem wanpela man husat i no gat bot tasol nau i gat wanpela long eria bilong em, orait ol i mas bringim ripot i go long LLG o wod kaunsila blong ol o go long Madang provinsal AIDS opis na bringim tok save long hap.

Mista Kachau i tok dispela motobot em wanpela bot tasol i save mekim HIV/AIDS na helt ekstensen wok na i save bringim ol helt wokman long ol longwe ples. Em i no amamas long man long Raikos we bot i bin stap long eria bilong em na i lus.

Dispela moto-bot i bin mekim ekstensen wok long Manam Ailan na i bin go long Karkar na i no pinisim wok bilong en yet long Raikos Distrik.

Mista Kachau i bin go long Biliau long Raikos wantaim wanpela arapela bot las wik long painim dispela bot tasol bikpela tait wara i kam na em i kalap na swim i go long ples long bringim tok save bilong bot i lus.

Em i tok Raikos i nidim stret helt sevis long go long ol manmeri na pikinini bikos rot i bagarap na ol i save yusim bot na kain pasin long ol ol pipel i stilim bot i save bringim sevis em i no gutpela pasin tru.




Ol pikinini na mama long Raikos olsem dispela long Kaliku viles nidim helt sevis tasol ol stilman bilong Raikos stilim moto bot.

Poto: James Kila

Wol Nius-Wol Nius-Wol Nius-Wol Nius-Wol Nius-Wol Nius



YUKRAIN: Rasia i strongim kona bilong ol long Krimea ol man i holim milieri haussik na misel beis wantaim gan long rijon bilong Yukrain taim ol gavman i stret tok tok yet. Ol soldia bilong Moskow i tekova long Black Si peninsula moa long wanpela wik nau na no gat blut i kapsait. ABC NIUS



YUNAITET STET: Barack Obama toktok long Francois Hollande long rausim olsoldia bilong ol long Yukrain na lusim ol intanesenel obseva lain i go insait na glasim dispela hevi. ABC NIUS



RASIA: Presiden Vladimir Putin (senta) na Defens Minista Sergei Shoigu (fran L) kamap long lukim militeri eksasais long Leningrad. Presiden i tok em bai yusim ol soldia olsem laspela tingting bilong em. Yunaitet Stet President Barack Obama i givim strongpela toktok long Putin olsem, "Em i no ken giamanim ol pipel" long wanem as tru na em i laik tekova long Yukrain. ABC NIUS

BSP i no inap sasim fi long sekap long balens

James G. Kila i raitim

OL KASTOMA i gat rait long no ken baim nating fi long ol stua taim ol i yusim EFTPOS masin long sekap long benk balens long ol.

Moa long en tu, sapos stua i askim kastoma long baim fi long sekim balens long taim kastoma i yusim EFTPOS masin, kastoma i mas hariap go long benk na ripot long dispela stua.

Bank South Pacific (BSP) Benk-ling Edukesen Menesa, Cynthia Aisi i tokaut long dispela long Madang.

Mis Aisi i tokaut olsem planti ol liklik stua long ol liklik senta long kantri i wok long sasim ol kastoma long yusim EFTPOS masin long sekap long balens. Em i tok sampela stua i save sasim 50 toea tasol dispela em rong tru, olsem na ol kastoma i gat rait long ripot long benk wanem ol stua i mekim kain pasin olsem.

Em i tok taim wok painimaut i kamap na ol BSP opisa i luksave olsem dispela stua i sasim fi, bai benk i rausim EFTPOS masin long stua.

Mis Aisi i tok planti ol kastoma long ol taun na liklik senta long kantri i no save olsem ol mas em i fri long yusim EFTPOS masin bikos benk i kisim pinis fi taim kastoma i



BSP Menesa Benking Edukesen, Cynthia Aisi i tokaut long EFTPOS masin we ol kastoma no ken baim fi long sekap long balens. Poto JAMES G. KILA

yusim kad long EFTPOS na stua. Em i tok benk i no inap long sasim gen kastoma long baim fi gen.

“Yupela ol kastoma i gat olgeta rait long no ken baim fi long stua, na yupela gat rait long go lukim benk klostu long yu na ripotim dis-

pela stua i sasim fi long yusim EFTPOS masin,” Mis Aisi i tok.

Mis Aisi i tok klia olsem taim ol stua i sasim ol kastoma long baim fi long sekap long balens long EFTPOS em ol brukim kontrak ol i sainim wantaim ol benk. Insait long

ol kontrak i tok taim ol stua i laik kisim ol EFTPOS masin ol i no ken sasim ol kain kain fi nabaut long ol kastom i yusim EFTPOS.

Em i tok taim ol stua i brukim kontrak em ol benk bai go rausim EFTPOS masin long ol dispela stua.

Mis Aisi i tok klia olsem taim ol stua i sasim ol kastoma long baim fi long sekap long balens long EFTPOS em ol brukim kontrak ol i sainim wantaim ol benk. Insait long ol kontrak i tok taim ol stua i laik kisim EFTPOS masin, ol i no ken sasim ol kain kain fi nabaut long ol kastom i yusim EFTPOS.

Em i tok taim ol stua i brukim kontrak, benk bai go rausim EFTPOS masin long ol dispela stua.

Mis Aisi i bin stap long Madang long wanpela trening we ol menesa bilong BSP i bin bung wantaim ol eksekutiv bilong ol lain papagraun bilong Ramu NiCo Projek long wanpela trening woksop long Madang.

Ol lain papagraun i makim ol Lanco long 4-pela eria long Ramu Projek na i bin stap long dispela trening em KBK Limited bilong Kurumbukari, Wass Matau Ltd bilong Coastal Pipeline, Maigari Ltd bilong Inland Pipeline, na Basamuk Enterprise Ltd bilong Basamuk long Raikos distrik.

Ol lain i makim ol Lanco bilong foapela papagraun kampani insait long Ramu NiCo Projek i bin stap insait long dispela trening woksop long Madang. Olgeta bilong ol i amamas tru long ol samting ol i lainim insait long dispela woksop na em i givim gutpela tingting tu long ol long save gut long sampela prodak na sevis bilong BSP.

Tupela trena bilong Integrated Business Management Consultancy Services Ltd i givim planti gutpela trening stret long ol lain papagraun. Ol i toktok long lidasip na wanem ol sampela rot long projek menesmen na aweanes, na tu rot long painim ansa long stretim ol hevi.

Las de bilong trening i givim taim long BSP long soim ol prodak na sevis bilong em i go long ol lain eksekutiv bilong ol Lanco na ol wokman meri bilong CA Dipatmen bilong Ramu NiCo.

Dispela 'Integrated Leadership Competency Workshop' em BSP Komyuniti Afeas-Rilesensip Menesa, Valerie Tombele i bin kamapim. Dispela woksop i traim long givim trening i go long ol papagraun insait long ol maining projek eria long kantri. Em i statim long las yia tasol na ol lain Ramu NiCo Projek papagraun i laki tru long kisim kain trening olsem.

Ol komyuniti i kisim gutpela helpim

kam long PNG LNG Toktok -Februari

OL KOMYUNITI i stap insait long PNG LNG projek eria i wok long kisim helpim long kamapim gut ol save na wok bilong ol long egrikalsa na kamapim sans long wokim mani.

Ol tim i wok insait long ol komyuniti na givim teknikal trening, helpim long go hetim save long ol wok na tu, givim ol nupela kaikai long planim na pipel bai i no inap sot long kaikai.

Matthew Kanua husat i Laivlihud's Speselis wantaim Fud na Egrikalsa tim i tok ol i wok wantaim moa long 178 haus o famili long kamapim moa gutpela kaikai ol i groim.

Mista Kanua i tok ol bin kirapim Komo Demonstresen Plot long traim ol nupela krop, na tilim i go long olgeta haus long eria.

Em i tok klostu long 4-pela yia nau, tim i tilim moa

long 100,000 rop bilong 10-pela kaukau i no gat binatang long ol, ol tausen diwai prut, kon na pinat sid na ol arapela sid bilong ol kumu.

Projek i bin saplaim tu 1,298 kakaruk na pato bilong karim na givim 200 ol nupela lain liklik pik i go long ol komyuniti.

Mista Kanua i tok ol bai helpim husat lain i laik kamapim gut krop na en-imel prodaksen bilong ol.

Em i tok ol i daunim ol kain hevi i save stopim komyuniti long go insait long ol wok developmen na helpim ol pipel na komyuniti long kamapim ol nupela sans long prodaksen na mekim mani, moa yet long ol meri.

Mista Kanua i tok LNG Projek i givim trening long kamapim gut nutrisen o gutpela balens kaikai, redim kaikai, helt na haijin.



Gaden kabis i kamap gut long Juni, Hela Provins.



Ol nupela liklik pik ol i kisim long Laipstok Briding program. Ol Poto: PNG LNG Toktok

Wol Nius-Wol Nius-Wol Nius-Wol Nius-Wol Nius-Wol Nius



YUNAITE STET: Obama givim strongpela toktok long Karzai bai em rausim ol soldia long Afghanistan.

US presiden Barack Obama i tok em bai rausim ol US soldia long Afghanistan long dispela yia i pinis, sapos Afghan presiden i wok long isi tumas long tok orait bilong pos-woa sekuriti dil. ABC NIUS



MALAYSIA: Malaysia Airlines flight MH370 i bin lus taim em laik go long Beijin long Sarere nait. Asua bilong dispela kamap, nogat man i save gut yet we balus i lus. Wok painim i go het yet long painim pipia bilong balus i lus long solwara. Hia ol poto we balus bilong solwara wok long mekim wok painimaut long solwara...Ol femili i wet na wari long dispela hevi long ples balus. ABC NIUS



ICCC i gat nupela websait na Koporet Plen

INDIPENDEN Kompetisen na Konsuma Komisen (ICCC) i autim nupela websait na nupela Korpret Plen bilong 2014-2016 aste long Pot Mosbi.

Vais Presiden bilong Papua Niugini Semba bilong Komes na industri (PNG CCI), Peter Diezman i bin tokaut long dispela nupela websait na nupela bikpela plen bilong komisen.

Mista Diezman i tok em i bikpela samting long ol ogenaesen olsem ICCC na tu long ol praivet sekta long ol i mas gat plen bilong mekim wok. Ol i no inap long mekim wok nating. Em i tok tu olsem plen bai i no inap long stap wankain tasol. Em bai senis olgeta taim inap long taim bilong em i pinis.

"Yumi mekim wok long wanpela ples we senis i save kamap olgeta taim, na bisnis insait long PNG em i save lukim planti senis tru. Ol plen i save helpim ol kampani na ogenaesen long lukim wanem rot ol i laik bihainim. Olsem na plen em i gat laip olsem na em bai i save senis olgeta taim," Mista Diezman i tok.

ICCC i bin stat long kirapim websait na plen bilong ol olsem tupela projek long las yia i kam inap nau tupela wantaim i redi long autim long pablik. Man i go pas long websait projek, Thaddeus Tiriman i tok tenkyu na givim luksave

long ol tim husat i bin wok wantaim em long kamapim dispela websait.

ICCC Komisina na Sif Eksekutiv Opisa, Dokta Billy Manoka i tok tenkyu long Mista Tiriman na ol tim bilong projek wantaim konsalten i kam long PNG iekonomik Pablik Sekta Program (PNGEPSP) Nasser Kaviani long bikpela hatwok ol i bin mekim long kamapim dispela tupela projek. Em i tok tenkyu tu long Kila Tau husat i go pas long tim i redim Korpret Plen bilong komisen. Em i tok tenkyu moa long ol eksekutiv menesa bilong wan wan divisen bilong komisen long ol tingting na wok ol i givim long kamapim nupela websait na korpret plen.

Long las yia taim olpela korpret plen i pinis, komisen woklain i bin bung long tok-tok long nupela plen bilong karim komisen i go long narapela tripela yia moa.


"Wanpela bikpela samting mipela i senisim em long visen stemen na nau yu ken ritim olsem, "Papua Niugini ikonomi i save resis na kamapim samting wantaim tingting bilong banisim ol kastoma."

Dispela visen stemen o bikpela toktok i karamapim wok bilong ICCC long wok wantaim ol bisnis lain na ol kastoma o ol lain i save yusim ol sevis o baim ol samting. Dispela Korpret Plen bilong 2014-2016. I gat 10-pela bikpela toktok

em komisen bai i traim long bihainim long narapela 3-pela yia bihain.

Profesa Manoka i kolim 4-pela bilong dispela we i go pas tru em: Long lukluk gen o rivium gen Indipenden Konsuma Kompetisen Komisen Ekt; Lukluk moa long maket – Givim tok orait long Pam Wel FFB ; Sefti Stendet bilong ol samting ol bisnis i kamapim; na PNG Apec Miting 2018.

Profesa Dokta Billy Manoka, Komisina na Sif Eksekutiv Opisa bilong ICCC na Mista Peter Diezman, Vais Presiden bilong PNGCC&I i holim nupela 3 yia korpret plen bilong ICCC. *Poto: Axie Akibiang*



PUBLIC NOTICE

AMNESTY PERIOD FOR ALL FORMS OF ILLEGAL WATER USAGE

WATER PNG is introducing an AMNESTY PERIOD effective as of the date of this advertisement to the 1st of APRIL 2014.

Over the years Water PNG has been committed to provide quality water to Papua New Guineans. However illegal water usage has drastically increased affecting our operations to continue to provide water and safe sanitation services. Hence, we are undertaking a nationwide Clean-Up Exercise to address this critical issue. Addressing illegal water usage will enable us to serve you better at an affordable cost but;

WE NEED YOU TO DO YOUR PART!

Visit your local Water PNG Office and get connected before Amnesty Ends on April 1st.
Take advantage of the Amnesty Period.
No Charges, No Penalties, No Shame! It's Amnesty!

After Amnesty, a Task Force will be deployed to identify and physically remove any illegal pipes in your area and block off main pipes.

OFFENDERS will be punished under existing laws of the Criminal Code Act and the Water and Sewerage Act. People found guilty of illegal use of water from Water PNG system without any prior written consent can be fined a penalty fee ranging from K500 to K10, 000 and/or even imprisoned (sent to jail).

Water PNG, formerly PNG Waterboard, is mandated by Parliament under the National Water Supply and Sewerage Act 1986 to coordinate planning, design and construction of water supply and sewerage infrastructure; and manage and charge for supply of water and sewerage services in Papua New Guinea except NCD. Water PNG operates in 14 Provincial Towns and five District towns in Momase, Highlands, the New Guinea Islands and Southern Region.

So Act Today, Use Amnesty and Become a Legal and Responsible Water User!

This message is APPROVED by Acting Chief Executive – Managing Director Raka Taviri Jr.

"Your life, our business"

PNGSDP pait i no pinis yet

Stanley Nondol i raitim

OL PIPEL bilong Westen Provins bai kisim taim yet na long ol kain kain hevi bikos mani bilong ol i lok yet taim pait namel long PNGSDP na PNG gavman bilong Praim Minista Peter O'Neill i go het yet. Praim Minista O'Neill i tokaut nau olsem Eminent Peson Grup (EPG) i no inap long stretim hevi bilong PNGSDP.

Praim Minista O'Neill i tok EPG i no inap kamap wanataim sampela gutpela rot long straksa na opere-sen bilong PNGSDP na givim tok orait long Atoni Jeneral long makim wanpela bikpela lo kampani long Singapore, Wong and Partners long salensim PNGSDP long kot.

Tasol PNGSDP siaman Sir Mekere Mourata i tok dispela toktok bilong Mista O'Neill long sutim tok long EPG em i no tru.

Sir Mekere Mourata i tok Praim Minista Peter O'Neill i mas tokaut long pablik long ol rikomendesen bilong EPG we tim em Sir Puka Temu, Bart Philemon na Sir Rabbie Namaliu i mekim.

Sir Mekere i tok dispela disisen bilong praime minista i no gutpela na mekim moa long 200,000 pipel bilong Westen i kisim taim long ol sevis ol inap long kisim long

mani bilong ol.

Sir Mekere i tok hait tingting na plen bilong Mista O'Neill i kamap ples klia taim em i tok gavman bai tekova long PNGSDP.

Sir Mekere i tok tupela hait plen bilong O'Neill em long:

-Kisim 63.4 pesen sea bilong PNGSDP long OK Tedi Mining we i no gat kompens-esen bilong papagraun long environmen bagrap em OK Tedi Mining i kamap taim em i kapsaitim pipia bilong main i go long OK Tedi na Flai riva.

- Na Kontrolim \$US 2.3 bilong PNGSDP Long Tem Fan

Praim Minista O'Neill i tokuat olsem EMG i wok hat long kamapim sampela gutpela rot o resolusen long PNGSDP na gavman bai wanbel tasol ol i painim hat tru long kamapim dispela bikos Sir Mekere Mourata i no bin wok bung wantaim ol na i no laikim dispela bai kamap.

Mista O'Neill i tok NEC i makim lo kampani long Singapore long go pas na salensim long Singapore kot we Sir Mekere i laikim na givim kot pepa pinis long PNG gavman.

Sir Mekere Mourata i tok PNGSDP na EPG i bung na i kamapim sampela agrimen tasol Mista O'Neill i no laikim.



LANCO na Ramu NiCo wok-lain stap long projek menesmen woksop bilong BSP

OL LAIN papagraun insait long ol lenona kampani (Lanco) long Ramu NiCo Projek i bin stap insait long wanpela 4-de trening woksop long lainim ol gutpela samting long projek menesmen, rot long stretim ol hevi na stretim toktok na painim wanbel pasin.

Dispela trening em Benk Saut Pasifik (BSP) i sponsa long en na wanpela konsalten kampani ol i kolim Integrated Business Management Consultancy Services Ltd i bin givim trening.

Dispela 4-pela de trening i bin kamap namba wan de long Ramu NiCo Komyuniti Afes konfrens rum long Madang Bes opis na bihain i muv i go long Lutheran Gest Haus konfrens rum long Kalibobo.

Dispela woksop ol i kolim 'Intagreted Lidasip Kompetensi Woksop' i karamapim 5-pela bikipela eria. Ol dispela eria em besik projek menesmen, konflik resolusen (rot long stretim ol hevi), negosiesen skils (rot bilong painim rot long stretim ol hevi), konflik resolusen na komyunikesen skils.

Ol lain papagraun i makim ol Lanco long 4-pela eria long Ramu Projek we i stap long dispela trening em KBK Limited blong Kurumbukar, Wass Matau Ltd blong Coastal Pipeline, Maigari Ltd blong Inland Pipeline, and Basamuk Enterprise Ltd of Basamuk long Raikos distrik.

Ol lain i makim ol Lanco bilong foapela papagraun kampani insait long Ramu NiCo Projek i bin stap insait long dispela trening woksop long Madang. Olgeta bilong ol i amamas tru long ol samting ol i lainim insait long dispela woksop na em i givim gutpela tingting tu long ol long save gut long sampela prodaks na sevises bilong BSP.

Foapela opisa bilong Komyuniti Afes (CA) Dipatmen bilong Ramu NiCo i bin stap insait long dispela woksop. Ol dispela opisa em Bisnis Developmen opisa, John Wowonam, jenda opisa Agatha Yombai, Madlyne Aukongo na Veronica Bonamedura.

Tupela treina bilong Integrated Business Management Consultancy Services Ltd i givim planti gutpela trening stret long ol lain papagraun we i toktok long lidasip na wanem ol ol sampela rot long projek menesmen na aweanes na tu rot long painim ansa long stretim ol hevi.

Fainol de bilong trening i givim taim long BSP long soim ol prodaks na sevises bilong em i go long ol lain Lanco eksekutiv na ol wokman meri blong CA Dipatmen bilong Ramu NiCo.

Dispela 'Integrated Leadership Competency Workshop' em BSP Komyuniti Afes-Rilesensip Menesa, Valerie Tombele i bin kamapim na i traim long givim trening i go long ol papagraun insait long ol maining Projek eria long kantri. Em i statim long las yia tasol na ol lain Ramu NiCo Projek papagraun i laki tru long kisim kain trening olsem.

Ol papagraun bilong Ramu NiCo Projek em namba tu lain long stap insait long kain trening woksop olsem long kantri. Namba

wan lain em ol papagraun bilong Koiari insait long Sentral provins.

Ms Tombele, husat i gat eksperiens long wok insait long komyuniti afes dipatmen long ol maining kampani i tokaut olsem em i kamapim trening ya long givim tingting long ol papagraun long save long menesim gut na tu save long wanem ol gutpela rot long daunim hevi we i bungim ol na stretim long gutpela rot we bai i helpim i ken go long ol.

"Long training mipela i laik strongim ol papagraun long save gut long wanem ol rot i stap long ol i ken kisim ol fainensol helpim i kam long outsait na noken lukluk tasol long developa long helpim ol," Ms Tombele i tok.

BSP i bin salim sampela ol menesa bilong ol sait long BSP Smat Benking, Dennis Konu long givim toktok long ol prodaks long ol lain Lanco eksekutiv. Ol narapela BSP menesa husat i givim toktok tu em BSP Menesa Benking-Edukesen, Cynthia Aisi.

Ol lain lanco o papagraun long woksop i amamas long planti nupela samting ol i lainim na givim bikipela tok tenkyu i go long Fred Tieng bilong Business Management Consultancy Services Ltd na David Masapa wantaim ol lain long BSP.

Wanpela blong ol lain eksekutiv bilong KBK Limited, Eddie Itarai i tok em i amamas long lainim planti samting long dispela woksop long sait long projek menesmen.

Jeneral Menesa bilong Wass Matau Limited, Danny Gabong i tok dispela woksop i givim naispela sans tru long ol lain papagraun long save long sampela sevises bilong BSP em ol i no kliia tumas long en bipo, na tu dispela i ken helpim ol long ogenaisim ol yet long traim long yusim sampela long ol dispela sevises bilong BSP.



Ol Lanco lain wantaim ol Ramu NiCo CA opisa long grup wok.



Tupela CA opisa Agatha Yombai na John Wowonam long grup wok long trening.



BSP menesa Edukesen, Cynthia Aisi givim toktok.



Wanpela BSP menesa givim toktok long woksop.

Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisani o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

Ol dispela namba i soim kliia mak bilong wok mipela i pinisim:

- Moa long 4.5 bilian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

Wanpela
Ramu NiCo,
Wanpela
Komyuniti

Ol mama kisim skul long groim rais na sevim mani

James G. Kila I raitim

FUD Krops edvaisa long Madang Provinsal Dipatmen ov Agrikalsa na Laipstok (PDAL), Mary Lilih i givim strongpela toktok long ol meri na mama long Madang provins olsem ol mas groim rais long gaden bilong ol na sevim mani.

Misis Lilih i tok olsem planti famili long rurel eria long PNG nau i wok long salim ol gaden kaikai na buai na ol arapela samting long kisim mani long baim rais tasol. Em i tok dispela i no gutpela taim yumi gat graun i stap long groim rais bilong yumi yet long kaikai.

Em i bin mekim dispela ol toktok long wanpela aweanes program long Basamuk long Raikos distrik long Madang long groim rais. Dispela toktok i go wantaim lukluk bilong Gavman long Visen 2050 long fud sekyuriti long kantri.

Misis Lilih i bin go wantaim edvaisa bilong PDAL Laipstok, Joe Naram wantaim ol egrikalsa opisa bilong Ramu NiCo Menesmen (MCC) Ltd aninit long pablik-praivet patnasip (PPP) program wok bung namel long gavman na MCC.

Misis Lilih i no amamas olsem planti ol famili long rurel eria long PNG i pas pinis long pasin bilong baim ovasis rais long stua, taim ol yet i ken groim rais na famili i ken kaikai na sevim mani long baim ol arapela gutpela samting.

Misis Lilih i tok olsem olgeta yia PNG i save tromoi K600 milien long baim rais i kam long ol ovasis kantri.

“Sapos yumi yet i groim rais, bai yumi ken stopim dispela pasin bilong baim rais bilong stua na bai yumi sevim mani na baim ol arapela samt-

ing long helpim sindaun bilong yumi long ples na haus lain,” Misis Lilih i tok.

Ol meri husat i bin stap long dispela aweanes i tokaut olsem ol i save lusim planti mani ol i kisim taim ol i salim gaden kaikai long baim rais beg.

Insait long dispela aweanes toktok long Basamuk, ol mama i tokaut olsem ol i save lusim samting olsem K150 long wan wan wik long baim rais bilong famili.

Long taim bilong kwesten na ansa, ol mama i tokaut olsem ol i save kisim bot long Basamuk na go long Madang we i kos K50. Orait ol i save baim wanpela 20 kilogram rais beg em K60, na baim K5 olsem freit kos, na long taun ol i save yusim K20 long baim kaikai long strongim bel na ol arapela mani ol i yusim tu. Na bihain ol i save baim bot long go bek long Basamuk. Ol i lusim bikpela mani tru.

“Long go long taun long baim rais beg tasol i lukim yupela i lusim moa long K180. Yupela i ken sevim dispela mani sapos yupela i groim rais long wan wan gaden blong yupela long ples,” Misis Lilih i tok.

Em i givim bikpela salens long ol mama na ol meri long ples olsem ol i gat graun na risos i stap na tu man bilong ol i ken sanap baksait long ol long groim rais na ol i no ken baim ol ovasis rais long stua na lusim bikpela mani.

Misis Lilih i tokaut olsem Fud na Agrikalsa Ogenaisisin (FAO), we em bikpela bodi bilong Yunaitet Nesen (UN) long wol i putim PNG long namba 77 ples olsem wanpela rabis kantri (kantri nogat kaikai) bikos PNG i save kisim rais i kam long ovasis oltaim.

“Kantri bilong yumi em no kantri bilong hangrr. Mipela gat planti ol ara-



Dispela mama bilong ples Bom long Astrolabe Be em meri bilong sapatim man bilong em long groim rais long ples. Foto: James G. Kila

pela kaikai i stap, tasol FAO i yusim rais long putim mak long yumi.

“Olsem na sapos yumi groim rais abrusim dispela mak nogut,” Misis Lilih i tok.

Bikpela K50 milien welpam projek

BIKPELA welpam projek bai kamap long Is Sepik na gavman i katim pinis K50 milien long dispela projek.

Long dispela wik, sampela bikman bilong Wilmar International em wanpela bikpela egrikalsa grup long Esia husat bai developim dispela projek, i bin kam long kantri na bung wantaim Richard Maru, Mnista bilong Komes, Tred na Indagri na ol arapela bikman bilong gavman long toktok long dispela projek.

Mista Maru i tok ol i yusim pinis K2 milien long pulim ol pawa lain na mekim ol rot long hap we projek bai ran long en.

Em i tok ol bai stretim na putim kolta long ol rot.

Em i tok dispela projek bai ran long sampela yia na mani sapat gavman bai givim long dispela projek bai inap long K100 milien olgeta.

Hap graun we dispela projek bai kamap long en em i namel long 100 na 200 hekta. Ol asples lain i papa long 90 pesen o bikpela hap

graun na ol i wanbel long givim i go long dispela projek.

Mista Maru i tokim developa olsem em i toktok pinis wantaim ol papagraun long dispela projek na ol i wanbel long givim graun bilong ol.

Welpam bai redi tripela yia bihain ol i planim.

Mista Maru i laik bai ol i prosesim o wokim ol prodak wantaim wel bilong welpam insait long kantri yet.

“Mi tok strong olsem olgeta wel we projek ya i kamapim bai i no inap lusim kantri, tasol ol bai wokim ol prodak long en long kantri yet,” Mista Maru i tok.

Em i tok bai Wewak i gat intenesenel bris long ol sip i ken kisim ol wel i go aut long ol ovasis kantri.

Ol bai stretim ol agrimen long projek bipo long Prais Minista i go long Wewak na opim projek na ol wok i ken go het.

Dispela projek i stap long Sepik pleins o stretpela graun na i karamapim namel long 100 na 200 hekta.

DRINKERS & FEEDERS

Buy 2 x 20kg Tablebirds Stockfeed & receive 2Ltr Drinker or 3kg Feeder
Buy 2 x 40kg Tablebirds Stock Feed & receive a 4Ltr Drinker or 6kg Feeder

FREE



AVAILABLE AT PARTICIPATING DISTRIBUTORS NATIONWIDE

BSP Skul Kriket Program bai gat nupela kompetisen

Isaac Liri i raitim

BSP Skul Kriket Program i bin stat long 2010 na nau bai i kamapim wanpela nupela kompetisen long dispela yia.

Cricket PNG i go pas long kamapim kompetisen na BSP i sapotim na givim mani.

Dispela nupela kompetisen em i kam aninit long BSP Skul Kriket Program, na ol i kolim long BSP Skul Kriket Blast.

Dispela BSP Skul Kriket Blast bai i lukim ol skul husat i memba bilong BSP Skul Kriket Program i salens namel long ol yet.

Dispela kompetisen em bai wanpela sofbal kriket kompetisen.

Na ol divisen insait long dispela kompetisen em anda 13 bilong ol mangi na meri, na anda 15 bilong ol mangi na meri.

Gayan Loku, Gem Developmen Menesa bilong Cricket PNG i tok olsem ol i no stretim gut wanem de bilong

kamapim dispela kompetisen long wanem, ol bai i ranim sampela moa program long ol skul husat i stap insait BSP Skul Kriket Program.

Na bihain long dispela ol bai i tok save na BSP Skul Kriket Blast bai i stat.

Mista Loku i tok olsem dispela BSP Skul Kriket Blast em bai i gutpela long wanem, em bai i helpim ol yangpela insait long kantri long developim ol skil bilong pilai kriket, na ol bai i lainim planti samting long dispela spot.

Antap long dispela, Mista Loku i tok olsem ol skul husat i no stap olsem memba bilong BSP Skul Kriket Program na i laik kamap memba long kontektim Cricket PNG na tok save long ol.

Long Cricket PNG yu ken ringim Mista Loku long 7105 4444 o 7363 8803, yu ken feks long 323 3615, emeil long gloku@cricketpng.com o rait i go long Cricket PNG long P O Box 168, Boroko, NCD.



Kili Tambua, Jenerel Menesa bilong Riteil Benking i traim long paitim bal long opim BSP Skul Kriket Program long dispela yia. Poto i kam long BSP

Trukai Fun Run kamap gen

TRUKAI Fun Run em i wanpela bikpela sosel na spot ivent i save kamap long Papua Niugini.

Dispela yia 2014, bai namba 15 yia bilong Trukai Indastri long sapotim dispela Fun Run.

Taim Fun Run i stat long 1983, sapot i bin kam long South Pacific Brewery (SPB) aninit long Pepsi inap long yia 2000 taim Trukai Indastri i kamap olsem namba wan sponsa.

Fun Run long dispela yia bai i lukim bikpela senis wantaim 95, 000 T siot.

Awenes bilong kaikai ol gutpela kaikai long stap helti na strong tu bai i stap long program bilong 2014 Fun Run.

Trukai Fun Run bai i stat long salim ol T siot long namba 26 Mas long Lae Yacht klap na bihain long en ol bai salim long Royal Papua Yacht klap long Pot Mosbi.

Fun Run bai kamap long Jun 22.

Ol ples we Fun Run bai kamap long en em Pot Mosbi, Lae, Goroka, Kavieng, Ramu, Maun Hagen, OK Tedi na Vanimo.

Mani ol i kamapim long Fun Run bai i go long sapotim Tim PNG long Komonwelt Gems long Skotlan na tu long Yut Olimpik Gems long Saina.

Hunters katim daun ol Cutters

Michael Novingu i raitim

PNG Hunters i kilim ol Mackay Cutters bilong Kwinslen Australia na planim ol wantaim 24 - 16 skoa long Kwinslen Intras Kap Kompetisen long Kokopo las wiken.

Long namba wan hap bilong pilai, bihain long 20 minit ol Hunters i mekim planti asua long dropim bal klostu long trai lain. Dispela asua i givim sans long ol Mackay Cutters na fowd bilong ol Zac Dalton i kisim bal na brukim banis bilong Hunters na skoim namba wan trai bilong ol. Fulbek Liam Taylor i kikim bal i go insait na kisim skoa i go 6 - 0.

Dispela i no stopim ol Hunters long skoim trai. Ol Hunters i mekim strongpela pilai i go daun long hap bilong ol Cutters na Roger Laka i kisim bal na kik abrusim tupela pilai bilong Cutters na Gary Lo i ran i go kisim bal na skoim namba wan trai bilong ol. Sebastian Pandia i kik tasol bal i no go insait olsem na skoa i sanap 6 - 4.

Maski ren i pundaun na ples i wel, tasol ol Hunters i pilai strong long kisim bal i go

daun long trai lain bilong ol Cutters. Kepten Israel Eliab i kik i go na tripela pilai bilong Hunters i ran bihainim bal i go tasol bal i go aut long ded bal lain.

Bihain long 30 minit long pilai, Mackay Cutters i putim strongpela pilai, brukim banis bilong ol Hunters na kepten bilong ol Tyson Martin i skoim namba tu trai bilong ol na kisim skoa i go Cutters 10 na Hunters i stap yet long 4 poin tasol. Fulbek Liam Taylor i kik tasol bal i abrus.

Bihain long 38 minit ol Hunters i no bel isi na ol i mekim strongpela pilai i go daun long hap bilong Cutters na ol i putim tu strongpela banis long stopim ol Cutters i skoa. Long dispela gutpela na strongpela pilai bilong ol, kepten Israel Eliab na Wartovo Puara Junia i stopim ol Cutters na ol i dropim bal. Orait Thomsen Tete i kisim lus bal na skoim namba tu trai bilong ol Hunters na kisim skoa i go sanap long 10 - 8 long hap taim.

Bihain long hap taim, insait long 45 minit ol Hunters i wokim strongpela pilai bilong ol na brukim banis bilong ol

Cutters. Em nau Andex Wera i kisim bal na brukim banis bilong Cutters na skoim namba tri trai bilong ol na kisim skoa i go sanap long 14-10.

Dispela i no stopim ol Cutters long skoim trai. Ol i mekim strongpela pilai i go daun long hap bilong ol Hunters na brukim banis bilong ol na Dan Beasley i kism bal na skoim las trai bilong long kisim skoa i go sanap long 16-14.

Long 50 minit long pilai, Roger Loko, Timothy Lomai, Joe Bruno, na Brandy Peter i mekim strongpela pilai na brukim banis bilong ol Cutters na Wartovo Puara Junia i kisim bal kik i go na dami hap Noel Zemming kisim bal na skoim trai bilong ol Hunters. Sebastian Pandia i kik go insait na dispela i kisim skoa i go long 18-16.

Long 30 minit i stap long pilai pinis, ol Hunters i putim strongpela banis we ol Cutters i no inap long brukim na go skoim trai.

Mackay Cutters i traim i go tasol ol i mekim planti asua long dropim bal na i givim sans long Wartovo Puara Junia long kisim bal na givim

long Thomsen Tete na em i skoim las trai bilong ol Hunters long kisim sko bilong ol i go sanap long 24 na Cutters 16.

Bihain long pilai kosa bilong ol Mackay Cutters Kim Williams i tok ol i save olsem bai i no isi long winim ol PNG Hunter. Em i tok ol pilai bilong em i pilai strong inap long las 10-pela minit i stap na ol i mekim planti asua na givim gem i go long ol Hunters.

Long wankain taim kosa bilong ol Hunters Michael Marum i tokaut olsem dispela i namba tu gem bilong ol na ol i winim. Las wik ol i win long Kwinslen. Em i tok em i no inap tokaut sapos ol bai win o nogat.

Em i tok, "Mipela i gat longpela rot yet na mipela bai trening strong long stap insait long dispela intenesenel kompetisen."

Em i tok tu olsem Wartovo Puara Junia i pilai gut long asples bilong em na tu Andex Wera, Thomsen Tete, Brandy Peter na Timothy Lomai. Em i tok ol i mekim strongpela pilai na helpim ol Hunters long winim dispela gem.

- Weekend sofbal dro -

SEASON PROPER - QUARTER FINALS
Saturday, 15th March 2014

DIAMOND TWO				
TIME	TEAMS	TEAMS	GRADE	REMARKS
8.00 - 8.30	Juniors			Teeball
8.30 - 9.00	Admiralty / Sisters	v YBC	U16	

DIAMOND THREE				
TIME	TEAMS	TEAMS	GRADE	REMARKS
9.00 - 10.30	Singerr (1)	v Yokoma (2)	B	
10.30 - 12.00	Chebu (3)	v Admiralty (4)	B	Do or Die
13.30 - 15.00	Singerr (1)	v Gazelle (2)	A	Do or Die
15.00 - 16.30	Bears (3)	v United Sisters (4)	A	

Intrust Super Cup 2014

Round 3 (15-16 March)		
Home	Vs	Away
PNG		Capras
Ipswich		Wynnum
Souths		Burleigh
Mackay		Bye
Twaeed		Norths
Pride		Redcliffe
Easts		Sunshine Coast


Telikom National Soccer League Draw

Round	Date	Time	Team A	Vs	Team B	Venue
	15th Mar	12.30pm	Gigira Lalitopo Merobe FC	Vs	Admiralty FC	SIK/Lae
6		3.00pm	Lae FC	Vs	Oro FC	SIK/Lae
		3.00pm	Hekari FC	Vs	Besta FC	Bisiri/Pom
Bye			Eastern Stars FC			





SPOTS DRO RAUN 2


Fraide: Mas 14, 2014




Bluetongue Stadium
Sea Eagles V^s Rabbitohs


Suncorp Stadium
Broncos V^s Cowboys




Sarare: Mas 15, 2014




Eden Park
Warriors V^s Dragons





AAMI Park
Storm V^s Panthers



Allianz Stadium
Roosters V^s Eels




Sande: Mas 16, 2014




CBus Super Stadium
Titans V^s W/Tigers


Hunter Stadium
Knights V^s Raiders



Mande: Mas 17, 2014



ANZ Stadium
Bulldogs V^s Sharks



Raun 1 Poin Lata

Pos	Tim	W	B	L	D	Pts
1.	Panthers	1		0		2
2.	Eels	1		0		2
3.	Rabbitohs	1		0		2
4.	Dragons	1		0		2
5.	Broncos	1		0		2
6.	Cowboys	1		0		2
7.	Storm	1		0		2
8.	Titans	1		0		2
9.	Sharks	0		1		0
10.	Sea Eagles	0		1		0
11.	Raiders	0		1		0
12.	Bulldogs	0		1		0
13.	Roosters	0		1		0
14.	Warriors	0		1		0
15.	W/Tigers	0		1		0
16.	Knights	0		1		0

TITANS: Leit trai bilong William Zillman i soim Titans i kisim dispela namba wan sisen gem opena. Michael Gordon i putim narapela trai long givim 6-0 lid, tasol gupela pilai bilong Greg Bird, na olupela pilaia bilong Shark, i levelim stret na putim ol Gold Coast i go pas long dispela gem las wik.



NEW South Wales na Cronulla keptan Paul Gallen bai paít long kamap strong gen long mun Me Stet ov Orijin gem opena bihain long em i bagarapim lek bilong em long las wik NRL gem i bin stat. Gallen bai go sken long lek bilong em long Tunde long dispela wik na bai ol i stretim. Tasol dispela bai holim em long pilai long foapela mun olgeta. Gold Coast i bin winim dispela gem las wik long 18-12 egens Sharks.




MASON: Bikpela prop Newcastle Knight, Willie Mason i saspem draivim kar inap sikspela mun na baim bikpela fain long \$900 long dring na draivim kar long Newcastle, na sanap long ai bilong Lokal Kot long Mande. Ol i sasim Mason taim em i feilim tes long dring taim em laik go trening long Mande Janueri 27. "Mi respektim disisen bilong kot," Willie Mason i tok.



ROOSTERS: Sonny Bill Williams no inap long pilai long tripela wik long tim bilong em Sydney Roosters, na Anthony Minichiello em fri long pilai. Ol i bin sasim tupela long NRL gem opena las wik. Williams long solda sas long George Burgess bilong Rabbitohs long las minit gem long namba wan raun na lusim gem long Rabbitohs 28-8.





Ol spot eksen poto long wiken..

Ol Poto Nicky Bernard.

1: Madang Star Maluga Dickson, i putim was long Sisters pilai wantaim bal long no ken go putim trai. Maluga i stap insait long Palai trening skwat.

2: INSPEKTA BILONG PILAI GRAUN: Dispela mama dok i raun insait long Bisini soka pilai graun na sekim ol pipia bipo long soka pilai i stat.

3: CHEBU WANTAIM SMAIL: Bosmeri bilong Chebu Sofbal Klap long Pot Mosbi i givim bikpela smail long kamera bihain long ol i pinis pilai.

4: AIYO ISI YA: Ampaia Moses Tolingling i pilim liklik pen taim sofbal bal i pas long em na ketsa bilong Gazelle i lukluk long em.

5: Hekari na Lae i soim strong long NSL soka resis long Pot Mosbi, tupela tim i dro 0-0.

TOKSAVE: Salim ol spots dro bilong yu kam long Feks; 325 2579, e-mel; bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.



Ol Hunter bai wok strong long sait bilong kik

Isaac Liri i raitim

OL PNG Hunter i soim kala long tupela gem bilong ol long Intrust Supa Kap taim ol bin winim ol Redcliffe Dolphins 24-18 long raun wan long Brisben, na ol Mckay Cutter 24-16 long las wik hia long Kokopo.

Kosa bilong ol Hunter Michael Marum i amamas long ol pilaia bilong em tasol wanpela samting we em i lukim olsem i bikipela problem, em long sait bilong kik na kisim tupela poin.

Kosa Marum i tok i gat ol trening program i stap, na ol gol kika bilong ol Hunter olsem Roger Laka, Sebastian Pandia na Noel Zeming

bai i mas wok strong moa aninit long ol dispela trening program.

Kosa Marum i luksave olsem ol gol kika bilong ol Hunter i no kik gut long dispela tupela gem bilong ol.

Na em bai toktok strong gen long ol long dispela wik long trening long mekim gut long sait bilong gol kik, long wanem, ol i ken lus sapos ol i no kik gut.

Kosa Michael Marum i tok em i no inap mekim wanpela senis long makim gol kika

“Roger Laka bai stap olsem namba wan gol kika long dispela wiken long raun tri gem bilong ol egen-sim Sentral Kwinslan Capras,” Kosa Marum i tok.



LUKAUT: Trukai Fun Run bai kamap gen long dispela yia. Siameri bilong Pasifik Gems Ogenaising Komiti, Emma Waiwai, na Presiden bilong Papua Niugini Olimpik Komiti, Sir John Dawanincura, i sanap wantaim ol yangpela na soim T siot bilong 2014 Fun Run. Poto Nicky Bernard, Stori long Pes 25.

INSAIT:

NRL eksen
poto - Pes 26

Featured Product **Wheel Chair**
K920

Good Products, Better Prices i kam long

Johnstons Pharmacies Ltd

Phone: 325 3185 Fax: 325 0190; Email: sales@johnstons.com.pg